



NCCA

An Chomhairle Náisiúnta
Curacláim agus Measúnachta
National Council for
Curriculum and Assessment

Tuarascáil Bhliantúil 2020

An Clár Ábhar

<i>Brollach</i>	4
<i>Réamhrá</i>	6
<i>1. Achoimre ar obair CNCM in 2020</i>	9
<i>2. An dul chun cinn a rinne CNCM ar an obair a bhíonn ar bun aici in 2020</i>	15
<i>3. Maidir le CNCM</i>	37
Fís	37
Misean	37
Rialachas	37
Freagrachtaí na Comhairle	38
Struchtúr na Comhairle	41
Cothromaíocht Inscne i mballraíocht na Comhairle	44
An Coiste Iniúchóireachta agus Riosca	44
An Coiste Rialachais	45
Sceideal Tinrimh, Táillí agus Costas	46
Príomhathruithe Pearsanra	48
Nochtadh a Éilítear de réir an Chóid Cleachtais chun Comhlachtaí Stáit a Rialú (2016)	48
Miondealú ar na Sochair Ghearrthéarma a fhaigheann Fostaithe	50
An Ráiteas Comhlíontachta i leith an Chóid Cleachtais chun Comhlachtaí Stáit a Rialú	50
Costais agus Socraíochtaí Dlíthiúla	51
Costais Chomhairliúcháin	51
Táillí gairmiúla agus comhairliúcháin	52
Caiteachas Fáilteachais	52
Cosaint Leanaí	52
Foireann	53

Boird agus Grúpaí Forbartha	56
Airgeadas	57
Aguisín 1: Cruinnithe CNCM in 2020	58
Aguisín 2: Cuir i láthair CNCM (rogha) in 2020	60
Aguisín 3: Tuarascáil ar nochtadh cosanta	62
Aguisín 4: An Ráiteas ar Rialú Inmheánach	63

Brollach

Bliain aisteach a bhí in 2020, tráth a raibh tionchar ag paindéim an Choróinvíris ar gach uile gné dár saol. Mar sin féin, d'éirigh le foireann CNCM agus le baill na Comhairle athruithe a dhéanamh chun a chinntiú gur leanadh den obair churaclaim agus mheasúnaithe agus d'fhoilsigh sí acmhainní chun tacú le múinteoirí agus le tuismitheoirí leis an teagasc agus leis an bhfoghlaim ó bhaile. In ainneoin na paindéime, bhíomar ag gabháil do thaighde ceannródaíoch agus choinníomar súil ar fhorbairtí idirnáisiúnta mar bhonn fianaise dár n-obair féin chun curaclaim a fhorbairt agus a athbhreithniú, d'fhonn caighdeán arda cáilíochta, cothroime agus ionchuimsithe, cleachtas maith oideachasúil agus ábharthacht do chuspóirí sóisialta, cultúrtha agus eacnamaíocha náisiúnta a chur chun cinn. Gearradh siar ar na comhairliúcháin mar gheall ar na dúshláin a bhí roimh cheannairí scoile agus roimh mhúinteoirí ag teagasc go cianda agus iad ag obair le foghlaimeoirí agus le tuismitheoirí ar bhealaí nua. Bhí comhoibriú ar bun againn leis an Roinn Oideachais agus le Coimisiún na Scrúduithe Stáit chun pleananna a fhorbairt chun a chinntiú go bhféadfadh rang na bliana 2020 dul ar aghaidh leis an aistriú ina saol agus ina gcuid scolaíochta le fianaise chuí ar a gcuid gnóthachtála agus an méid a d'fhoghlaim siad in ainneoin chur ar ceal na scrúduithe stáit.

In 2020, cheadaigh an Chomhairle próiseas pleanála chun *Aistear: Creachuraclam na Luath-óige* a thabhairt cothrom le dáta, chríochnaigh sí ar leaganacha oiriúnaithe d'ábhair *Mo Scéal* chun tacú le tuismitheoirí faisnéis a roinnt le scoil nua a gcuid páistí mar chuid d'fheachtas na Roinne Leanaí, Comhionannais, Míchumais, Lánpháirtíochta agus Óige, *Let's Get Ready*, agus chuireamar céim a haon den chomhairliúchán maidir le *Dréachtchreat Curaclaim na Bunscoile* i gcrích agus aird againn ar na dúshláin bhreise do mhúinteoirí agus do cheannairí scoile le linn COVID. D'fhoilsíomar páipéir thaighde chun tacú le *Dréacht-Churaclam Matamaitice na Bunscoile* agus tuarascálacha ón staidéar fadaimseartha *Saol Scoile Páistí*, lena n-áirítear tuarascáil ar thaithí scoileanna ar chianteachas agus ar chianfhoghlaim ó Mhárta go Bealtaine 2020. Ar leibhéal na Sraithe Sóisearaí, choimisiúnaigh an Chomhairle staidéar ilghnéitheach, ceithre bliana chun tionchar agus cur i bhfeidhm an *Chreata don tSraith Shóisearach* a fhiosrú agus rinneamar athbhreithnithe ar chur i bhfeidhm luath Eolaíocht, Staidéar Gnó agus OSSP na

Sraithe Sóisearaí, agus rinneamar athbhreithniú ar chur i bhfeidhm Béarla na Sraithe Sóisearaí. Ar leibhéal na Sraithe Sinsearaí, cheadaigh an Chomhairle sonraíochtaí curaclaim le haghaidh Mhandairínis, Phortaingéilis, Liotuáinis agus Pholainnis na hArdteistiméireachta, agus d'ullmhaigh sí dréacht-sonraíochtaí le haghaidh Gaeilge T1 agus T2 na hArdteistiméireachta. Leanamar den obair ar an *Tuarascáil Chomhairleach maidir leis an tSraith Shinsearach* agus ar chruth agus ar fhorbairt na Sraithe Sinsearaí amach anseo. Cuirfear an tuarascáil sin faoi bhráid an Aire Oideachais in 2021.

Ní fhéadfaí obair atá chomh fairsing leis seo, ar an scála seo, a dhéanamh murach tiomantas na Comhairle, a boird agus a meithleacha forbartha, a páirtithe leasmhara agus a foireann. Tá a suim agus a dtiomantas d'fhorbairt curaclaim i gcoilár sholáthar rathúil na hoibre ríthábhachtaí a dhéanann CNCM. Tá an t-ádh dearg linn freisin in CNCM go bhfuil foireann againn ar chinntigh a saineolas, díograis, agus tiomantas láidir gur cuireadh an clár oibre le haghaidh 2020 a bhí dúshlánach agus forleathan i gcrích.

Ba mhaith liom, mar Chathaoirleach CNCM, buíochas a ghabháil leis na Leas-Chathaoirligh a bhí agam, Michael Redmond agus Deirbhile Nic Craith, agus comhaltaí uile ár gCoiste Iniúcháireachta agus Riosca agus ár gCoiste Rialachais, as an méid a rinne siad, obair stuama agus bhisiúil, ar cheisteanna casta maidir le curaclam agus measúnú agus rialachas corparáideach, go háirithe le linn na paindéime. Chuir Deirbhile agus Michael ceannasaíocht ar fáil freisin don Bhord don Luath-Óige agus don Bhunscoil agus don Bhord don tSraith Shinsearach, faoi seach. Gabhaim buíochas le mo chomhghleacaithe ar an gComhairle as a gcuid saineolais agus as tacú le John Hammond (an Príomhoifigeach Feidhmiúcháin) agus leis an bPríomhoifigeach Feidhmiúcháin nua, Arlene Forster, le foireann CNCM as dul chun cinn a dhéanamh ar obair thábhachtach CNCM ag am fíor-dhúshlánach agus tráth ar theastaigh solúbthacht agus cruthaitheacht chun an plean oibre a chur in oiriúint do chúrsaí mar a bhí. Ba léir i gcónaí tiomantas agus paisean na Comhairle agus na foirne maidir le hobair thábhachtach CNCM agus bhí sé thar barr.

An tOll. Mary O'Sullivan
Cathaoirleach

Réamhrá

Bliain ann féin a bhí sa bhliain 2020, bliain inar fhág an Coróinvíreas gach gné den saol ina chior thuathail, cúrsaí oideachais san áireamh. Bíodh sin amhlaidh, na dúshláin ollmhóra a chruthaigh an phaindéim seo mar bhac fiú, tá an obair a leagtar amach sa Tuarascáil Bhliantúil seo i gcomhair na bliana 2020 forleathan, ilchineálach agus comhoibríoch agus é tuisceanach agus freagrach ar na dúshláin shuntasacha a ndeachaigh múinteoirí, cleachtóirí, ceannairí scoile, páistí/scoláirí agus tuismitheoirí chomh maith le páirtithe leasmhara eile ar fud an chórais oideachais i ngleic leo.

Ar nós go leor ionad oibre, suíomhanna luath-óige agus bunscoileanna agus iar-bhunscoileanna, bhí gá do CNCM athrú chuig cianobair ar bhonn lánaimseartha tar éis gur fógraíodh an chéad dianghlasáil náisiúnta. Mar eagraíocht bheag a raibh baill foirne ag obair ó 12 shuíomh timpeall na tíre cheana féin, b'aistriú cuíosach simplí a bhí anseo. I gcaitheamh roinnt seachtainí bhí cruinnithe ár gcomhairle, boird agus grúpaí forbartha ar bun arís ar líne, rud a chur ar ár gcumas leanúint leis an dul chun cinn i mór-réimsí forbartha curaclaim agus measúnaithe.

Léiríonn grafaicí faisnéise ar leathnaigh 10-14 buaicphointí le linn na bliana. Fiú agus gá filleadh ar an bPlean Oibre agus oiriúnú a dhéanamh, ar nós tréimhsí na dtionscnamh a shíneadh, obair le scoileanna agus suíomhanna eile a chur siar, agus comhairliúcháin a athdhearadh don suíomh ar líne, rinneadh go leor dul chun cinn i measc na n-earnálacha. Tá tráchttaireacht ar an oideachas le linn na paindéime tar éis a bheith dírithe ar roinnt de na ceisteanna is bunúsaí – feidhm an oideachais; an méid a thacaíonn an curaclam agus an measúnú le cothroime, cothromas agus ceartas sóisialta; lárnacht caidrimh sa teagasc agus san fhoghlaim; agus an deighilt dhigiteach. Ní ceisteanna nua iad seo. Bhí siad lárnach i smaointe agus in obair CNCM in 2020 agus sinn ag cur i gcóir le haghaidh nuashonrú *Aistear*; agus sinn ag comhairliú ar *Dhréachtchreat Curaclaim na Bunscoile*; agus sinn ag leanúint le tacú le cur i bhfeidhm forbairtí sraithe sóisearaí; agus nuair a bhí níos mó dul chun cinn á dhéanamh againn leis an *Athbhreithniú ar an tSraith Shinsearach: Tuairisc Chomhairleach*. Is fiú an obair a tháinig chun cinn mar fhreagra ar an bpaindéim, nach raibh mar chuid de Phlean Oibre na Comhairle 2020, a thabhairt faoi

deara chomh maith. Bhí tacú le tosaíochtaí laistigh de na Ranna Oideachais agus Leanaí, Comhionannais, Míchumais, Lánpháirtíochta agus Óige san áireamh sa mhéid seo. Bhí freagrúlacht CNCM le sonrú sna tacaíochtaí a chuir sí ar fáil chomh maith, san áireamh anseo bhí pleananna ceachta OSPS le haghaidh iar-bhunscoileanna ar fhilleadh dóibh i Meán Fómhair, treoir le haghaidh bunscoileanna i dtaca le tuairiscí scríofa a chur ar fáil do thuismitheoirí i dtéarma an tsamhraidh agus moltaí ar an timpeallacht foghlama amuigh a úsáid chun tacú le teagasc agus le foghlaim. Bliain shuntasach ab ea 2020 ó thaobh na taighde de chomh maith agus tús curtha le staidéar nua ar thionchar agus ar chur i bhfeidhm an *Chreat don tSraith Shóisearach*. Foilsíodh dhá thuairisc maidir le *Saol Scoile Páistí*, ceann bunaithe ar an taithí ar chiantegasc agus ar chianfhoghlaim san áireamh, sa tréimhse seo chomh maith.

Áirítear faisnéis maidir le rialachas CNCM mar eagraíocht sa Tuarascáil Bhliantúil seo freisin. Rinne an eagraíocht dul chun cinn suntasach in 2020 trí ghlacadh le brandáil nua Rialtas na hÉireann, trí athbhreithniú agus nuashonrú a dhéanamh ar pholasaithe agus trí leanúint le cur chun cinn agus cothú folláine ball foirne. Ina theannta sin, tá Ráiteas ar Rialú Inmheánach agus an Ráiteas Airgeadais le haghaidh 2020 agus ceanglais eile a ghabhann le Tuarascálacha Bliantúla, mar a leagtar amach iad sa 'Chód Cleachtais chun Comhlachtaí Stáit a Rialú, 2016' le fáil mar aguisíní leis an tuarascáil.

Is an treoir straitéiseach agus an tacaíocht leanúnach ónár gComhairle agus a boird ionadaíochta agus ó mheithleacha forbartha, ó chomhghleacaithe sa Roinn Oideachais agus sa Roinn Leanaí, Comhionannais, Míchumais, Lánpháirtíochta agus Óige mar aon le go leor páirtithe leasmhara agus taighdeoirí eile a chuir leis an smaoineamh agus leis an bplé a mhúnlaíonn curaclam agus measúnú, a chumasaigh an dul chun cinn agus an méid a baineadh amach, agus a leagtar amach sa Tuarascáil Bhliantúil seo. Tá na múinteoirí, cleachtóirí, ceannairí scoile, páistí, scoláirí agus a dtuismitheoirí a roinneann a dtaithe, a saineolas agus a bpeirspictíochtaí linn lárnach sa mhéid seo ar fad.

Ar deireadh, buíochas agus ómós ó chroí le foireann CNCM. Tháinig go leor de na tréithe a shainmhíníonn cur chuige na heagraíochta i leith oibre chun cinn i mbliana – clisteacht, solúbthacht, meon oscailte i dtaobh slite nua smaointeoireachta agus oibre, comhghleacaíocht agus freagrúlacht. Bhí siad seo níos riachtanaí agus níos feiceálaí in 2020 ná mar a bhí siad

riamh roimhe. Thug baill foirne fuinneamh, dílseacht, cruthaitheacht, athléimneacht agus meon láidir pobail agus cúisíochta leo ina gcuid oibre a chumasaigh go leor dul chun cinn in ainneoin maireachtáil agus oibriú le linn paidéim dhomhanda.

Arlene Forster

An Príomhfheidhmeannach

1. Achoimre ar obair CNCM in 2020

Déantar cur síos sa chuid seo de Thuarascáil Bhliantúil 2020 ar an dul chun cinn a rinneadh i rith na bliana i leith na dtorthaí a leagtar amach i bPlean Straitéiseach 2019-2021 a bhaint amach. Cuirtear na torthaí sin i láthair faoi na cúig sprioc Ard-Leibhéil a phléitear sa Phlean Straitéiseach:

- **Curaclam agus Measúnacht:** Cineálacha cur chuige nuálacha a cheapadh i leith cúrsaí curaclaim agus measúnachta ar mhaithe le rannpháirtíocht, forchéimniú, cáilíocht, cuimsitheacht agus leanúnachas idir na hearnálacha ar fad agus idir aistrithe oideachais.
- **Rannpháirtíocht agus Comhoibriú:** Dul i mbun oibre le múinteoirí, le cleachtóirí agus le foghlaimeoirí agus lenár gcomhpháirtithe san oideachas chun an cumas chun athraithe a neartú, chun modhanna oibre a mhúnlú agus chun bonn eolais a chur faoi fhorbairt an churaclaim agus na measúnachta agus faoina feidhmiú.
- **Eolas agus Taighde:** Eolas agus taighde a ghiniúint, a úsáid agus a roinnt ar mhaithe le comhairle a cheapadh agus cleachtas a fhorbairt i dtaca le cúrsaí curaclaim agus measúnachta i ngach suíomh oideachais.
- **Cumarsáid:** Cumarsáid éifeachtach a dhéanamh ar obair agus gaiscí CNCM, agus iad a chur i láthair agus a roinnt i mbealach éifeachtach, cumas na Comhairle a fheabhsú le dul i ngleic le daoine eile chun athrú san oideachas a stiúradh agus a thacú.
- **Rialachas agus Seirbhísí Corparáideacha:** Struchtúir, próisis, scileanna agus inniúlachtaí rialachais agus eagraíochtúla na Comhairle a fhorbairt i mbealach éifeachtach chun fíis na heagraíochta a bhaint amach.

Achoimre ar obair CNCM in 2020

Luath-Óige
Bunscoil
An tSraith Shóisearach
An tSraith Shinsearach
Gach earnáil
Seirbhísí Corparáideacha



NCCA

An Chomhairle Náisiúnta
Curaclaim agus Measúnachta
National Council for
Curriculum and Assessment

Luath-Óige

Bunscoil



01

Mo Scéal

Chuireamar ábhair *Mo Scéal* in oiriúint do thuismitheoirí chun eolas a roinnt le scoil nua a bpáiste mar chuid d'fheachtas *Bimis Réidh* de chuid na Roinne Leanaí, Comhionannais, Mí-chumais, Lánpháirtíochta agus Óige.



01

Creatchuraclam na Bunscoile

- D'fhoilsíomar *Dréachtchreat Curaclaim* na Bunscoile agus chuireamar céim 1 den chomhairliúchán i gcrích.
- D'fhiosraíomar na coinníollacha a theastódh chun curaclam bunscoile athfhorbartha a chur i bhfeidhm trí oibríú go dlúth leis na páirtithe leasmhara trí sheimineáir *Leading Out* agus tríd an bPainéal Comhairleach Bunscoile.



02

Treoir Chleachtas Aistear Síolta

Rinneamar athdhearadh ar Threoir Chleachtas Aistear Síolta agus chuireamar feidhm chuardaigh nua leis. D'fhorbraíomar agus d'fhoilsíomar ábhair 'bite-sized' d'fhorbairt ghairmiúil leanúnach mar chuid de Treoir Chleachtas.



02

Teanga agus matamaitic

- Chuireamar leis na huirlisí úsáide ar líne le haghaidh *Churaclam Teanga na Bunscoile*.
- D'fhoilsíomar páipéir taighde chun tacú le forbairt Dhréachtchuraclam Matamaitice na Bunscoile.



03

Aistear

Rinneamar an chéad chuid den obair phleanála agus ullmhaithe i gcomhair Aistear a nuashonrú.



03

Oideolaíocht

Reáchtálar seimineáir ghréasáin inar fiosraíodh na féidearthachtaí oibríú leis an gcuraclam lasmuigh.



04

Cruthaitheacht agus na healaíona

Rannchuidíomar leis an ngrúpa stiúrtha idirghníomhaireachta a bhí i mbun maoirseachta ar fhorbairt na 'ndréachtphrionsabal' chun na healaíona a éascú i suíomhanna luathóige.



04

Staidéar Fadaimseartha ar Shaol Scoile Páistí

D'fhoilsíomar an chéad dá thuairisc ón taighde – tús eolais le haghaidh na bpáistí agus na scoileanna, agus an dara thuairisc faoin taithí ar chiantegasc agus ar chianfhoghlaim ó Mhárta go Bealtaine 2020.

An tSraith Shóisearach

An tSraith Shinsearach



01

Taighde

Choimisiúnamar staidéar ilchineálach ceithre bliana chun tionchar agus cur i bhfeidhm an *Chreata don tSraith Shóisearach a fhiosrú*.



02

Athbheithnithe

Chuireamar athbheithnithe ar luath-chur i bhfeidhm Eolaíocht, Staidéar Gnó agus OSSP na Sraithe Sóisearaí; agus athbheithniú ar chur i bhfeidhm Bhéarla na Sraithe Sóisearaí i gcrích.



01

An Ardteistiméireacht

- Chríochnaíomar sonraíochtaí curaclaim le haghaidh Mhandairínis, Phortaingéilis, Liotuáinis agus Pholainnis na hArdteistiméireachta.
- D'ullmhaíomar dréachtshonraíochtaí curaclaim i gcomhair Ghaeilge na hArdteistiméireachta (T1 le haghaidh scoileanna Gaeilge agus T2 le haghaidh scoileanna Béarla) i gcomhair comhairliúcháin phoiblí.



02

Coigeartuithe Measúnuithe

I gcomhpháirtíocht le CSS agus leis an Roinn Oideachais, chuireamar leis na coigeartuithe a rinneadh mar chuid de na socruithe measúnaithe le haghaidh scrúduithe na hArdteistiméireachta sa bhliain scoile 2020/21.



03

Samplaí d'obair scoláirí

D'fhorbraíomar, dhearbhaíomar a gcáilíocht agus d'fhoilsíomar samplaí anótáilte de shaothar scoláirí i réimse leathan ábhar chun tacú le forbairt ghairmiúil múinteoirí.



04

Guth an Scoláire

Chomhoibríomar le ACCS agus le BOOÉ ar thograí Ghuth an Scoláire le 54 scoil agus reáchtáladar Seimineár ar Cheannaireacht le haghaidh Foghlama ar Ghuth an Scoláire i bpáirt leis an tSraith Shóisearach do Mhúinteoirí.



03

Athbheithniú na Sraithe Sinsearaí

Trí struchtúir na Comhairle, d'oibríomar go dlúth leis na comhpháirtithe oideachais chun cur leis an dul chun cinn le hAthbheithniú na Sraithe Sinsearaí. *Tuairisc Chomhairleach*.

Trasearnálach



01

OSPS/OCG

D'fhorbraíomar dhá mheitheal forbartha le haghaidh OSPS/OCG agus chuireamar tús le hobair ar uirlisí úsáide ar líne chun tacú le scoileanna i bpleanáil le haghaidh na réimsí curaclaim agus dá dteasc.



02

Cultúr an Luchta Siúil

Chuireamar tús le hobair ar thuairisc ar Chultúr agus ar Stair an Luchta Siúil chun tacú le foghlaim agus le teagasc an churaclaim.



03

Treoirínte a Uasdátú

Chuireamar tús le hobair ar threoirínte ar an gcuraclam le haghaidh daoine óga i suíomhanna coinneála agus cúraim a uasdátú.

Seirbhísí Coparáideacha



01

Struchtúir

Lean an Chomhairle agus a struchtúir lena n-obair churaclaim agus mheasúnaithe le linn na paindéime, agus iad ag aistriú chuig cruinnithe ar líne:

- 6 chruinniú den Chomhairle
- 6 chruinniú den Choiste Iniúcháireachta agus Riosca
- 3 chruinniú den Choiste Rialachais
- 57 cruinniú de Bhoird agus Meithleacha Forbartha.



02

Airgeadas

- Cuireadh cuntais bainistíochta ráithiúla le chéile agus d'fhaomh an Chomhairle iad.
- Faomhadh Ráitis Airgeadais do 2019, agus dheimhnigh an tArd-Reachtair Cuntas agus Ciste iad i ndiaidh iniúchadh seachtrach.
- Rinneadh an Clár Riosca a nuashonrú, d'fhaomh an Chomhairle é agus rinne an Coiste Iniúcháireachta agus Riosca monatóireacht air ar bhonn leanúnach.



03

Folláine

Lean an grúpa oibre um Fholláine na Foirne ag cur folláine ghinearálta na foirne ar fud na heagraíochta chun cinn agus ag tacú léi agus béim ar leith ar nascanna le daoine a chaomhnú agus obair á déanamh ón mbaile.



04

Forbairt Ghairmiúil

- Lean baill foirne ag baint úsáide as a lán deiseanna forbartha gairmiúla.
- Thug líon suntasach ball foirne faoi staidéar oideachais agus taighde iarchéime.



05

Polasaithe a d'fhaomh an Chomhairle

- Síníodh Comhaontú Maoirseachta agus Seachadta Feidhmíochta leis an Roinn Oideachais.
- Téarmaí Tagartha le haghaidh Rúnaí na Comhairle
- Téarmaí Tagartha Nuashonraithe le haghaidh Rialachais na Comhairle
- Beartas Nuashonraithe Cosanta Sonraí
- Cód Iompair Nuashonraithe le haghaidh bhaill na Comhairle
- Polasaí Bainistíochta Riosca Nuashonraithe



06

Cumarsáid

Ghlacamar le brandáil agus amharc-aithne Rialtas na hÉireann agus chuireamar é seo i bhfeidhm ar ár suíomhanna gréasáin agus ar ár bpáipéarachas.

2. An dul chun cinn a rinne CNCM ar an obair a bhíonn ar bun aici in 2020

1. Curaclam agus Measúnacht

Cineálacha cur chuige nuálacha a cheapadh i leith cúrsaí curaclaim agus measúnachta ar mhaithe le rannpháirtíocht, forchéimniú, cáilíocht, cuimsitheacht agus leanúnachas idir na hearnálacha ar fad agus idir aistrithe oideachais.

Torthaí an Phlean Straitéisigh	Dul chun cinn in 2020
<p>1.1 Cuireann Aistear an bunús le haghaidh pleanála agus forfheidhmithe curaclaim i suíomhanna luath-oideachais ar fáil agus is é atá mar bhonn eolais faoi na cuir chuige oideolaíochta i luathbhlianta na bunscolaíochta.</p> <p>Tá treoir Aistear don aoisghrúpa 0-3 bliana mar bhuntaca d'fhorbairtí le haghaidh an aoisghrúpa sin tríd an Tionscnamh Náisiúnta Aistear Síolta.</p>	<p>Forbraíodh sé acmhainn 'FGL <i>bite-sized</i>' agus foilsíodh iad i dTreoir Chleachtais Aistear Síolta (TCAS) chun tacú le pleanáil agus cur i bhfeidhm curaclaim. Áirítear Ealaíona Cruthaitheacha, Súgradh, Matamaitic, Idirghníomhaíochtaí, agus Meonta Foghlama</p> <p>Tús curtha le forbairt tuilleadh 'blúiríní acmhainní FGL' ar Thacú le Folláine agus Comhbhá Páistí, Féiniúlacht agus Muintearas a chothú, agus ETIM.</p>

15 acmhainn nua, bileoga leideanna agus teistiméireachta saineolacha araon, foilsithe in *TCAS*.

Forbairt acmhainní nua ar Shúgradh Baolach curtha chun cinn le haghaidh foilsíú in *TCAS*.

Dáileog Tionscnamh Náisiúnta Síolta Aistear (TNSA) ‘Faisnéis do Thuismitheoirí’ curtha chun cinn.

Réamhcheardlanna TNSA curtha in eagar le seachadadh ar líne.

FGL TNSA ar Eolaíocht Teicneolaíocht Innealtóireacht Matamaitic agus Ealaíona, agus ar Phleanáil agus Measúnú le haghaidh dul chun cinn i bhFoghlaim agus i bhForbairt curtha chun cinn.

Teimpléid *Mo Scéal* nuashonraithe chun tacú le haistriú chuig an mbunscoil mar chuid d’fheachtas *Bímis Réidh* na Roinne Leanaí, Comhionannais, Míchumais, Lánpháirtíochta agus Óige (RLGÓ mar a bhíodh). Dhá acmhainn nua chun tacú le tuismitheoirí forbartha agus foilsithe le haghaidh *Mo Scéal* le heolas a roinnt idir an baile agus an bhunscoil i gcomhthéacs dhúnadh COVID-19.

Tús curtha le pleanáil maidir leis an bpróiseas *Aistear* a nuashonrú.

		Nuashonraíodh acmhainní Tionscnamh Teagascóirí <i>Aistear</i>
1.2	Tugtar isteach curaclaim nua le haghaidh teangacha (Béarla agus Gaeilge) agus matamaitice.	<p>Tá síneadh curtha le hUirlisí Úsáide Teanga na Bunscoile, Samplaí d'Fhoghlaim na bPáistí agus Ábhair Thacaíochta chun tacú le cur i bhfeidhm <i>Churaclam Teanga na Bunscoile</i> san áireamh.</p> <p>Tá níos mó dul chun cinn déanta le forbairt <i>Dhréachtchuraclam Matamaitice na Bunscoile</i>.</p> <p>Tús curtha le sraith ocht n-acmhainn tacaíochta le haghaidh Uirlisí Úsáide an Mhúinteora i gcomhair <i>Matamaitic na Bunscoile</i>.</p>
1.3	Aontaíodh ar fhorbhreathnú don churaclam bunscoile athfhorbartha atá mar bhunchloch do chlár leathan forbartha curaclaim.	<p>Céim 1 den obair chomhairliúcháin ar an láthair, bailiú sonraí, curtha i gcrích.</p> <p>Cumarsáid agus Rannpháirtíocht Pháirtithe Leasmhara curtha chun cinn.</p> <p>Céim 2 tús curtha le pleanáil i measc gach snáithe den chomhairliúchán.</p>

1.4	<p>Táthar fós ag forbairt curaclaim nua agus á gcur i bhfeidhm don tsraith shóisearach mar chuid d'fhorbairtí na sraithe sóisearaí.</p> <p>Tá iar-bhunscoileanna ag baint leas as an gCreat don tSraith Shóisearach mar bhunús do phleanáil agus cur i bhfeidhm a gclár don tsraith shóisearach.</p>	<p>Athbhreithniú ar chur i bhfeidhm Bhéarla na Sraithe Sóisearaí agus athbhreithniú ar luath-chur i bhfeidhm Eolaíocht agus Staidéar Gnó na Sraithe Sóisearaí curtha i gcrích agus tuairiscí foilsithe.</p> <p>Athbhreithniú ar impleachtaí stádas croí-ábhar a thabhairt do Stair na Sraithe Sóisearaí curtha i gcrích agus foilsithe. Athbhreithniú ar ghearrchúrsaí Sraithe Sóisearaí in OSSP agus i gCorpoideachas curtha i gcrích.</p> <p>De bharr dúnadh scoileanna agus athruithe ar thaithí scoláirí agus múinteoirí ar an gCreat don tSraith Shóisearach, cuireadh athbhreithnithe ar luath-chur i bhfeidhm Ghaeilge, Nuatheangacha lasachta agus Amharc-ealaín na Sraithe Sóisearaí ar athló.</p> <p>Foilsíodh tacaíochtaí agus treoirlínte le haghaidh scoileanna i bhfianaise an tionchair ag COVID-19 ar dhúnadh scoileanna, ina measc siúd bhí <i>Ábhar Machnaimh don Phleanáil d'Fholláine na Sraithe Sóisearaí 2020/2021</i> agus Ceachtanna OSPS faoi fhilleadh ar scoil le haghaidh na chéad, an dara agus an tríú bliain.</p> <p>Tús curtha le hathbhreithniú ar liostaí téacsanna Bhéarla agus Ghaeilge na Sraithe Sóisearaí.</p>
-----	--	---

		<p>Athbhreithniú ar chur i bhfeidhm Folláine i scoileanna curtha i gcrích agus nuashonrú déanta ar Threoirlínte maidir le Folláine sa tSraith Shóisearach.</p> <p>Tacaíocht tugtha do chur i bhfeidhm ábhair, gearrchúrsaí, CLF1anna agus CFL2anna na sraithe sóisearaí a ndearnadh athbhreithniú orthu le déanaí. Tacaíocht agus aiseolas curtha ar fáil do scoileanna agus iad ag forbairt a gcuid gearrchúrsaí féin.</p>
1.5	Tá athbhreithniú ar oideachas na sraithe sinsearaí agus plean cuimsitheach d'fhorbairt agus athchóiriú i gcláir oideachais, curaclam, measúnacht, tuairisciú agus teastasú faoi lán seoil.	<p>Dréachtshonraíochtaí curaclaim le haghaidh Ghaeilge na hArdteistiméireachta (T1 le haghaidh scoileanna Gaeilge agus T2 le haghaidh scoileanna Béarla) faofa le haghaidh comhairliúcháin.</p> <p>Sonraíochtaí curaclaim le haghaidh Mhandairínis, Phortaingéilis, Liotuáinis agus Pholainnis na hArdteistiméireachta foilsithe.</p> <p>Cáipéis Eolais agus Treoir don Athbhreithniú ar Theangacha Clasaiceacha na hArdteistiméireachta foilsithe.</p> <p>Caipéis Eolais agus Treoir don Athbhreithniú ar Araibis na hArdteistiméireachta foilsithe.</p>

		Tuarascáil Chomhairliúcháin ar an gCáipéis Eolais agus Treoir don athbhreithniú ar Fhisic, Cheimic, Bhitheolaíocht na hArdteistiméireachta foilsithe.
1.6	Táthar ag cur cuir chuige nua i leith na measúnachta agus na tuairiscithe i bhfeidhm agus táthar ag tacú le hacmhainn oideachasóirí forbairtí sna réimsí seo a chur i bhfeidhm i scoileanna agus i suíomhanna eile.	<p>Míreanna measúnachta samplacha le haghaidh ábhair Chéim 4 den tSraith Shóisearach (Matamaitic, Eacnamaíocht Bhaile, Stair, Ceol, Tíreolaíocht) curtha i gcrích agus foilsithe.</p> <p>Teimpléid shamplacha le haghaidh tuairiscí scoile 2020 curtha i gcrích agus foilsithe.</p> <p>Tascanna measúnaithe le haghaidh ábhar chéim 1 - 4 críochnaithe ach gan a bheith úsáidte.</p>
1.7	Tá samplaí a bhfuil a gcáilíocht dearbhaithe d'obair páistí/scoláirí ina léirítear na hionchais le haghaidh foghlaimoírí agus a chuireann le tuiscint chomhroinnte ar chaighdeán ar fud an chórais oideachais le fáil i sonraíochtaí curaclaim agus measúnachta.	Samplaí de shaothar scoláirí ó réimse ábhar agus gearrchúrsaí sraithe sóisearaí bailithe, a gcáilíocht dearbhaithe agus iad foilsithe.
1.8	Léirítear béim láidir ar an leanúnachas, tuiscint ar phríomhchéimeanna aistrithe, agus fócas ar ghnéithe	Tuairisc Deiridh ar an Athbhreithniú ar Oideachas Caidrimh agus Gnéasachta (OCG) i mBunscoileanna agus in Iar-Bhunscoileanna

<p>choitianta, sna forbairtí curaclaim agus measúnachta ag leibhéal luathóige, bhunscoile agus iar-bhunscoile.</p>	<p>foilsithe agus treoir eatramhach le haghaidh OCG i mbunscoileanna agus in iarbhunscoileanna curtha chun siúil.</p> <p>Tús curtha le forbairt treoirlínte curaclaim chun tacú le páistí faoi choinneáil agus le páistí faoi chúram.</p>
--	---

2. Rannpháirtíocht agus Comhoibriú

Dul i mbun oibre le múinteoirí, le cleachtóirí agus le foghlaimoirí agus lenár gcomhpháirtithe san oideachas chun an cumas chun athraithe a neartú, chun modhanna oibre a mhúnlú agus chun bonn eolais a chur faoi fhorbairt an churaclaim agus na measúnachta agus faoina feidhmiú.

Torthaí an Phlean Straitéisigh		Dul chun cinn in 2020
2.1	Tá CNCM ag oibriú le cleachtóirí, grúpaí agus líonraí ar smaointe, ábhar agus tionscnaimh chun tacú lena n-acmhainneacht féin agus le hacmhainneacht scoileanna	Foilsíodh uirlisí úsáide d'áiseanna ar líne chun tacú le teagasc agus foghlaim in OSPS/OCG na Sraithe Sóisearaí agus na Sraithe Sinsearaí.

	agus suíomhanna eile i bhforbairt curaclaim, i gcleachtas measúnachta agus le hathruithe oideachais níos leithne.	<p>Rinneadh obair le hiar-bhunscoileanna a bhain le forbairtí i measúnú, tuairisciú agus folláine sa tSraith Shóisearach agus gnéithe den tSraith Shinsearach.</p> <p>Taifeadadh agus foilsíodh seimineár gréasáin a roinn dea-chleachtas maidir le foghlaim amuigh i mbunscoileanna.</p> <p>Foilsíodh níos mó samplaí d'fhoghlaim trí chódú sa bhunscoil.</p>
2.2	Tacú le forbairt agus gníomhaíochtaí na líonraí comhpháirtíochta a bhunaigh eagraíochtaí eile le bheith mar bhonn eolais faoi fhorbairtí curaclaim agus measúnachta san oideachas luath-óige, bunscoile agus iar-bhunscoile.	<p>Tacaíodh le Plé Dochtúireachta Comhchéime (mar chuid den chomhdháil bhliantúil) Bhuanchomhdháil um Oideachas Múinteoirí Thuaisceart Éireann agus Phoblacht na hÉireann (SCoTENS).</p> <p>Éascaíodh Seimineáir <i>Leading Out 2</i> (Forbairt Ghairmiúil), 3 (Ailíniú Polasaithe agus Soiléire) agus 4 (Ceannasaíocht sa Chóras síos tríd) i gcomhpháirtíocht le páirtithe leasmhara.</p>
2.3	Tá guth agus taithí na bhfoghlaimoirí mar chuid den phlé agus den chomhairliúchán a dhéantar ar fhorbairtí sa churaclam agus sa mheasúnacht.	<p>Leanadh leis an tacaíocht le haghaidh earnáil BOO, Cumann na Scoileanna Pobail is Cuimsitheacha, agus le haghaidh Ionaid Oideachais Chorcaí agus Luimnigh maidir le cleachtas 'guth an scoláire' a leabú i roinnt scoileanna.</p>

		<p>Bronnadh conradh le haghaidh comhairliúcháin le páistí mar chuid d'athbhreithniú agus d'athfhorbairt an churaclaim bunscoile.</p>
2.4	<p>Tá an teagmháil agus na caidrimh chomhoibríocha atá ag CNCM le raon eagraíochtaí agus ranna rialtais ag cur feabhas ar thuiscint agus caighdeán na bhforbairtí curaclaim agus measúnachta agus an tsamhail, nó an cur chuige a ghlactar, chun iad a chur i bhfeidhm.</p>	<p>Cur i láthair chun tacú le hionduchtú Tús Níos Fearr ar an <i>Treoir Chleachtais Aistear Síolta</i> agus <i>Mo Scéal</i>.</p> <p>Freastalaíodh ar chruinnithe Grúpa Stiúrtha, Grúpa Tionscnaimh agus Grúpa Forbartha Acmhainní de chuid Thionscnamh Náisiúnta <i>Síolta Aistear</i> (TNSA).</p> <p>Cuireadh ionchur agus aiseolas ar fáil chun tacú le hobair an RLGÓ ar fhorbairt 'Dréachtphrionsabail chun na hEalaíona a Éascú i gCur chun Cinn Súgartha agus Cruthaitheachta san Fhoghlaim agus sa Chúram Luath-óige'.</p> <p>Glacadh páirt i nGrúpa Maoirseachta chun tacú leis an RLCMLÓ ar an tuairisc tíre <i>ECFE Quality Beyond Regulation</i>.</p> <p>Rinneadh cur i láthair le haghaidh seimineár an <i>BERA Research Commission 'A Professional Workforce for the Early Years: Policy, Practice and Sector Responses'</i>.</p>

Foilsíodh dhá alt le Luath-Óige Éireann (LÓE) maidir le Tacú le hAistrithe chuig an mBunscoil.

Glacadh páirt i seimineár gréasáin LÓE bunaithe ar *Mo Scéal*.

Rinneadh cur i láthair ag comhdháil LÓE *'Pedagogical continuity from Aistear to the Draft Primary Curriculum Framework'*

Cuireadh tús le rannpháirtíocht chomhoibríoch leis an PDST agus leis an gComhairle Náisiúnta um Oideachas Speisialta (NCSE) ar Dhearadh Uilíoch don Fhoghlaim (DUF), ar ionchuimsiú/idirdhealú, agus ar mheasúnú foirmitheach mar thacaíocht ar theagasc agus ar fhoghlaim na matamaitice agus rinneadh dul chun cinn léi.

Lean comhoibriú le PDST, le NCSE agus leis an bhfoireann cigireachta, a bhain le hobair scoilbhunaithe, trí fhorbairt treorach chun tacú le cur i gcóir don teagasc agus don fhoghlaim agus cuireadh é sin i gcrích.

Tugadh cabhair don Roinn Oideachais treoir a fhorbairt chun tacú le hathoscailt scoileanna.

		<p>Tacaíodh le hobair roinnt grúpaí Stiúrtha agus Teicniúla de chuid na Roinne Oideachais.</p> <p>Freastalaíodh ar chruinnithe idirghníomhaireachta chun tacú le cur i bhfeidhm sonraíochtaí nua Eacnamaíochta agus Eolaíocht Talmhaíochta na hArdteistiméireachta.</p>
<p>2.5</p>	<p>Thacaigh comhoibriú straitéiseach idir CNCM agus gníomhaireachtaí forbartha curaclaim agus measúnachta eile le forbairtí curaclaim agus measúnachta i dTuaisceart Éireann, i bPoblacht na hÉireann agus san Eoraip.</p>	<p>Bhí comhoibriú agus rannpháirtíocht leanúnach leis an gComhairle Curaclaim, Scrúdúcháin agus Measúnaithe.</p> <p>Cuireadh tús le forbairt páipéar seasaimh ar 'Chultúr Measúnaithe' tríd an Líonra Idirnáisiúnta um Mheasúnú Oideachais.</p>

3. Eolas agus Taighde

Eolas agus taighde a ghiniúint, a úsáid agus a roinnt ar mhaithe le comhairle a cheapadh agus cleachtas a fhorbairt i dtaca le cúrsaí curaclaim agus measúnachta i ngach suíomh oideachais.

Torthaí an Phlean Straitéisigh	Dul chun cinn in 2020
<p>3.1 Tá fianaise agus taighde mar bhonn eolais faoi fhorbairtí curaclaim agus measúnachta.</p>	<p><i>Education in Ireland: An OECD Assessment of the Senior Cycle Review</i> a d'fhoilsigh ECFE.</p> <p>Cuireadh an chéad dá thuirisc ón staidéar <i>Saol Scoile Páistí (SSP)</i> i gcrích agus foilsíodh iad.</p> <p>Foilsíodh páipéir taighde chun cabhrú le hobair ar Ábhair Thacaíochta le haghaidh mhúineadh na Gaeilge i scoileanna Béarla.</p> <p>Bunaíodh Painéal Comhairleach Acadúil chun bonn eolais a chur faoi athbhreithniú agus athfhorbairt an churaclaim bunscoile agus tionóladh cruinnithe leis an CNCM agus le páirtithe leasmhara.</p> <p>Rinneadh dul chun cinn leis an tuairisc ar an tSraith Seimineáir <i>Leading Out</i>.</p>

		<p>Tosaíodh taighde chun bonn eolais a chur faoi fhorbairt acmhainní chun tacú le teagasc agus foghlaim faoi stair agus cultúr an Luchta Siúil sa churaclam.</p> <p>Críochnaíodh agus foilsíodh sraith cúig pháipéar taighde maidir le teagasc agus foghlaim i ranganna sinsearacha chun tacú le forbairt Dhréachtchuraclam Matamaitice na Bunscoile:</p> <ul style="list-style-type: none"> • Ailgéabar (Twohill, A. 2020) • Sonraí agus Seans (Leavy, A. 2020) • Tomhais (Nic Mhuirí, S. 2020a) • Uimhreas (Delaney, S. 2020) • Cruth agus Spás (Nic Mhuirí, S. 2020b)
3.2	<p>Cuireann rannpháirteachas agus rannpháirtíocht i líonraí taighde bonn eolais faoi fhorbairtí curaclaim agus measúnachta.</p>	<p>Glacann an CMCN páirt i gcuibhreannas <i>Research Alive</i> (leis an Chomhairle Mhúinteoireachta, leis an Lárionad do Sheirbhísí Éifeachtacha agus leis an bhFóram Náisiúnta um Fheabhsú Múinteoireachta agus Foghlama ag an Tríú Leibhéal) ag tacú le rannpháirtíocht múinteoirí i dtaighde.</p> <p>Ghlac an CNCM páirt mar bhall de choiste náisiúnta ScoTENS agus den Choiste Taighde.</p>

3.3	<p>Tá torthaí taighde ar fáil, inrochtana agus scaipthe ar dhaoine a bhfuil suim acu san oideachas, i gceapadh beartais agus sa mheastóireacht.</p>	<p>Foilsíodh torthaí ó thaighde (tá breac-chuntas orthu in 3.1) i bhformáidí atá inrochtana go héasca lena n-áirítear tuarascálacha iomlána, achoimrí feidhmiúcháin, cuir i láthair agus podchraoltaí.</p> <p>Bhí torthaí ó thaighde a coimisiúnaíodh mar bhonn is mar thaca don phlé a bhí ag Meithleacha Forbartha, Boird agus Comhairle CNCM agus don obair leanúnach atá ar bun againn le heagraíochtaí agus gníomhaireachtaí seachtracha.</p> <p>Cuirtear caibidil faoi <i>Mo Scéal</i> san áireamh san fhoilseachán Routledge atá le teacht</p> <p>Féach chomh maith Aguisín 2.</p>
3.4	<p>Scaiptear torthaí taighde agus eolas nua agus déanann foireann CNCM iad a cheistiú mar chuid lárnach den obair a dhéanann siad.</p>	<p>D'fhreastail foireann CNCM ar chomhdhálacha agus ar sheimineáir ar líne ar raon ceisteanna a bhaineann le curaclam agus measúnacht, a d'éascaigh cainteoirí náisiúnta/idirnáisiúnta.</p> <p>D'fhreastail foireann CNCM ar comhdhálacha náisiúnta agus idirnáisiúnta agus/nó chuir siad páipéir ar thaighde agus cleachtas oideachais i láthair acu. Tá sonraí na bpáipéar a cuireadh i láthair le fáil in Aguisín 2.</p>

Scaiptear nuashonrú ar gach ceann de na forbairtí taighde náisiúnta agus idirnáisiúnta ábhartha chuig gach ball foirne ar bhonn rialta.

Reáchtáladh Lá Taighde Foirne i Márta 2020 le ceardlanna ar Straitéis Taighde an CNCM agus ar úsáid cheistneoirí ar scála mór le haghaidh comhairliúcháin.

Reáchtáladh ócáid Béim ar Thaighde le haghaidh na foirne i mí na Samhna 2020 a inar díródh ar thaighde le grúpaí imeallacha.

Cuireadh tús le forbairt Ráiteas Taighde Eiticiúil an CNCM.

4. Cumarsáid

Cumarsáid éifeachtach a dhéanamh ar obair agus gaiscí CNCM, agus iad a chur i láthair agus a roinnt ar bhealach éifeachtach, cumas na Comhairle a fheabhsú le dul i ngleic le daoine eile chun athrú san oideachas a stiúradh agus a thacú.

Torthaí an Phlean Straitéisigh		Dul chun cinn in 2020
4.1	<p>Scaiptear príomhtheachtaireachtaí ar athruithe oideachais go himheánach agus go seachtrach ag úsáid straitéis agus próiseas meán atá éifeachtach.</p> <p>Bíonn freagairtí agus ionchur CNCM eolasach agus tráthúil.</p> <p>Cuimsíodh feasacht chumarsáide i ngach réimse d'obair CNCM.</p>	<p>Leanadh ag cur suirbhéanna ar líne (an suíomh gréasáin), na meán sóisialta (Twitter, Facebook agus Instagram) agus gnéithe ar líne (cruinnithe déthaobhacha, grúpaí fócais) san áireamh chomh maith le roghanna le haghaidh aighneachtaí i scríbhinn.</p> <p>Baineadh úsáid éifeachtach as na meáin shóisialta chun teachtaireachtaí tábhachtacha faoi fhorbairtí agus comhairliúchán curaclaim a chur in iúl agus chun rannpháirtíocht níos leithne ag imeachtaí CNCM a spreagadh.</p> <p>Forbraíodh físeán agus úsáideadh é chun cumarsáid a dhéanamh go forleathan faoin dearadh nuashonraithe ar an gcomhairliúchán</p>

		<p>maidir le Dréachtchreat Curaclaim na Bunscoile chun freagairt don phaindéim.</p> <p>Tugadh freagairtí tráthúla ar cheisteanna ó na meáin faoi fhorbairtí éagsúla agus cuireadh baill foirne faoi agallamh ar an raidió agus ar an teilifís. Leanaimid ar aghaidh leis an mbeartas atá againn faoi fhreagairt ar iarratais ó stáisiúin raidió áitiúla, nuair is féidir.</p> <p>Athbhunaíodh nuachtlitir an CNCM info@ncca chun príomhtheachtaireachtaí maidir lenár n-obair a roinnt agus chun béim a leagan ar dheiseanna rannpháirtíochta do pháirtithe leasmhara i bpróisis an CNCM.</p>
<p>4.2 agus 4.3</p>	<p>Tá suíomhanna gréasáin CNCM nuashonraithe agus déantar iad a choinneáil de réir riachtanais an chórais, aiseolais ó chustaiméirí, staitisticí maidir le húsáid ghréasáin, agus forbairtí sna meáin ar líne agus sna meáin shóisialta.</p>	<p>Foilsíodh sonraíochtaí curaclaim nua, ábhair tacaíochta agus tuairiscí bainteach leo agus nuashonruithe ar líne i measc na n-earnálacha ar fad agus i measc na bpríomhshuíomhanna gréasáin ar fad: ncca.ie, curriculumonline.ie agus aistearsiolta.ie.</p> <p>Caomhnaíodh rochtain ar ábhar an tsuímh ghréasáin agus cothaíodh an fheidhmiúlacht is gá dó sin agus cuireadh feabhas air i roinnt áiteanna.</p>

Áiríodh anailísíocht ar chumarsáid ar an suíomh gréasáin agus ar na meáin shóisialta i dTuarascáil an Phríomhoifigigh Feidhmiúcháin le haghaidh na Comhairle agus úsáideadh í chun feabhsuithe ar an suíomh gréasáin a threorú.

Athdhearadh Treoir Chleachtais Aistear Síolta (ASPG), agus rinneadh gach mír a chlibeáil agus rinneadh forbairt ar an bhfeidhm chuardaigh agus foilsíodh í.

5. Rialachas agus Gnóthaí Corparáideacha

Struchtúir, próisis, scileanna agus inniúlachtaí rialachais agus eagraíochtúla na Comhairle a fhorbairt i mbealach éifeachtach chun fíis na heagraíochta a bhaint amach.

Torthaí an Phlean Straitéisigh

Dul chun cinn in 2020

5.1 Tacaíonn struchtúir agus próisis na heagraíochta le forbairt curaclaim agus measúnachta atá nuálach agus le cleachtais oibre chomhoibríocha.

Bhí struchtúir agus nósanna imeachta, lena n-áirítear Meithleacha Forbartha nua, i bhfeidhm don obair ar churaclam agus measúnacht.

Rinneadh cothabháil agus forbairt bhreise ar SharePoint ag úsáid spásanna cruinnithe ar líne agus uirlisí comhoibríocha chun cleachtais oibre éifeachtúla agus éifeachtacha ar líne a éascú.

		<p>Forbraíodh prótacail TF lena chinntiú go ndearnadh cruinnithe fíorúla le rannpháirtithe seachtracha de réir na mbeart rialaithe a taifeadadh sa chlár riosca.</p> <p>I ngeall ar phaindéim COVID-19, baineadh úsáid as teicneolaíochtaí cruinnithe ar líne sa rannpháirtíocht agus sna cruinnithe chun leanúint d'obair churaclaim agus mheasúnaithe.</p>
5.2	Tá an t-eolas agus na hinniúlachtaí forbartha ag foireann CNCM a theastaíonn chun comhairle nuálacha curaclaim agus measúnachta a fhorbairt agus tacú lena tabhairt isteach i scoileanna agus i suíomhanna eile.	<p>Forbairt ghairmiúil atá ceangailte le hinniúlachtaí a aithníodh sa phróiseas bainistíochta feidhmíochta ar thug an fhoireann faoi.</p> <p>Tháinig méadú ar rannpháirtíocht na foirne i staidéir ghairmiúla, iarchéime agus taighde.</p> <p>Leanadh d'obair an Ghrúpa Straitéise Taighde inmheánaigh, agus mar chuid de soláthraíodh forbairt ghairmiúil don fhoireann ar ghnéithe den taighde.</p>
5.3	Tá cultúr feidhmíochta, ina ndírítear ar luachanna dearfacha, comhoibriú, tacaíocht, cumhachtú agus folláine na foirne, le fáil ar fud na heagraíochta.	<p>Lean an Grúpa Oibre um Fholláine na Foirne ag cur folláine ghinearálta na foirne ar fud na heagraíochta chun cinn agus ag tacú léi, go háirithe de bharr a bheith ag obair ón mbaile.</p>

		<p>Leanadh d’Fhorbairt agus de Bhainistíochta Feidhmíochta fad is a bhí cianobair ar siúl agus cuireadh an bhéim ar thacaíocht a thabhairt don fhoireann atá ag obair ón mbaile.</p>
5.4	Tá córas láidir bainistíochta airgeadais i bhfeidhm.	<p>I measc na nósanna imeachta maidir le deireadh na míosa, tá tuarascáil réitigh a ndéanann an lucht ardbhainistíochta agus an Coiste Iniúcháireachta agus Riosca athbhreithniú uirthi.</p> <p>Cuireadh cuntais bainistíochta ráithiúla le chéile agus d’fhaomh an Chomhairle iad.</p> <p>Cuireadh an tacaíocht riachtanach uile ar fáil don iniúchadh inmheánach agus seachtrach. Úsáideadh spás slán ar líne chun an t-iniúchadh a éascú ag teacht le treoirlínte sláinte poiblí.</p> <p>Faomhadh na ráitis airgeadais don bhliain dar críoch an 31 Nollaig 2019, agus dheimhnigh an tArd-Reachtair Cuntas agus Ciste iad i ndiaidh iniúchadh seachtrach a rinneadh ar líne i rith na paidéime.</p> <p>Cuireadh próisis athbhreithnithe maidir le buiséad agus meastacháin i bhfeidhm in 2020, lena n-áirítear anailís athraithe sna cuntais bainistíochta ráithiúla.</p>

		<p>Rinneadh forbairt bhreise ar chlár conarthaí ar líne.</p> <p>Forbraíodh córas nua ordaithe ceannaigh (PO) freisin, a thacaíonn le soláthar, cuntais agus sócmhainní seasta agus cuireadh an córas i bhfeidhm.</p>
5.5	<p>Táthar ag cloí go hiomlán le ceangail rialachais na gcomhlachtaí stáit, agus leis an gcód cleachtais le haghaidh comhlachtaí stáit.</p>	<p>Rinneadh athbhreithniú ar rialuithe inmheánacha agus cuireadh torthaí an athbhreithnithe i bhfeidhm.</p> <p>Tugadh ar aird freisin na ceanglais bhreise sa Chód Cleachtais i ndáil le Cothromaíocht Inscne, Éagsúlacht agus Ionchuimsiú agus ionchorpraíodh iad i bpróisis agus i dtuairisciú.</p> <p>Rinneadh na próisis soláthair a reáchtáil i gcomhréir le treoirlínte na hOifige um Sholáthar Rialtais agus Plean Soláthair Chorporáidigh CNCM 2018-2021.</p> <p>Foilsíodh an Tuarascáil Bhliantúil don bhliain 2019.</p> <p>Rinneadh an Clár Riosca a nuashonrú, d’fhaomh an Chomhairle é agus rinne an Coiste Iníúcháireachta agus Riosca monatóireacht air ar bhonn leanúnach. Rinneadh nuashonrú ar rioscaí mar léiriú ar phaindéim COVID-19.</p>

		<p>D'fhaomh an Chomhairle Beartas um Nochtadh Cosanta nuashonraithe.</p> <p>D'fhaomh an Chomhairle Beartas Cosanta Sonraí athbhreithnithe.</p> <p>Síníodh Comhaontú Maoirseachta agus Seachadta Feidhmíochta leis an Roinn Oideachais.</p>
5.6	Déantar caighdeáin seirbhíse do chustaiméirí a fhorbairt agus a fheabhsú.	Rinneadh athbhreithniú ar an tseirbhís do chustaiméirí agus cuireadh bearta i bhfeidhm chun an tseirbhís a choimeád ag imeacht i rith na paidéime.
5.7	Chomhlíon an CNCM gach comhaontú agus plean forbartha ábhartha de chuid na hearnála poiblí.	<p>Cuireadh aon bhearta riachtanacha i bhfeidhm d'fhonn cloí leis an bPlean um Athchóiriú na Seirbhíse Poiblí, 2014–2016, agus leis an bPlean Athnuachana don Státseirbhís.</p> <p>Cuireadh na beartais Acmhainní Daonna agus gach beartas státseirbhíse ábhartha eile i bhfeidhm agus cloíodh leo. Cuireadh treoir ón Roinn Caiteachais Phoiblí agus Athchóirithe i ndáil le gnóthaí Acmhainní Daonna i rith na paidéime i bhfeidhm de réir mar is gá.</p>

3. Maidir le CNCM

Is comhlacht reachtúil í an Chomhairle Náisiúnta Curaclaim agus Measúnachta a bhfuil sé mar dhualgas aici comhairle a chur ar an Aire Oideachais faoi churaclam agus faoi mheasúnú don oideachas luathóige, agus do bhunscoileanna agus iar-bhunscoileanna. Cuirtear roinnt faisnéis chúlra faoin gComhairle, a ballraíocht, a struchtúir eagraíochtúla agus a maoiniú i láthair na huaire ar fáil sa chuid seo den Tuarascáil Bhliantúil.

FÍS

Leagtar amach fís do CNCM inár bPlean Straitéiseach 2019-2021:

Nuálaíocht cheannródaíoch san oideachas chun foghlaim, maireachtáil agus oibriú i ndomhan atá ag athrú.

MISEAN

Déantar achoimre ar chur chuige na Comhairle i leith na hoibre a dhéanann sí ina misean:

- Comhairle a chur ar an Aire Oideachais i dtaobh cúrsaí curaclaim agus measúnachta san oideachas luath-óige anonn go dtí deireadh an dara leibhéal
- Dul i bpáirt le foghlaimeoirí, múinteoirí, cleachtóirí, tuismitheoirí agus grúpaí/daoine eile chun tacú le nuáil sna scoileanna agus i suíomhanna oideachais eile
- Taighde a dhéanamh, a úsáid agus a roinnt mar bhonn le comhairle agus plé ar chúrsaí oideachais.

RIALACHAS

Bunaíodh an Chomhairle Náisiúnta Curaclaim agus Measúnachta (CNCM) faoi Acht Oideachais, 1998. Leagtar amach feidhmeanna na Comhairle in Alt VII den Acht. Tá an Chomhairle cuntasach don Aire Oideachais agus freagrach as rialachas maith a chinntiú. Tugann an Chomhairle faoin tasc sin ag leagan spriocanna agus gníomhaíochtaí straitéiseacha amach agus ag déanamh cinntí straitéiseacha i ngach príomhréimse dá cuid oibre. Tá an Príomhoifigeach Feidhmiúcháin agus an fhoireann ardbhainistíochta freagrach as bainistíocht, rialú agus treoir laethúil CNCM. Ní mór don Phríomhoifigeach Feidhmiúcháin agus don fhoireann

ardbhainistíochta cloí leis an treoir straitéiseach leathan a shonraíonn an Chomhairle agus tá orthu a áirithiú go bhfuil tuiscint shoiléir ag gach duine de chomhaltaí na Comhairle ar na príomhghníomhaíochtaí agus na cinntí a bhaineann leis an gComhairle agus ar aon riosca suntasach a d'fhéadfadh teacht chun cinn. Gníomhaíonn an Príomhoifigeach Feidhmiúcháin mar idirghabhálaí díreach idir an Chomhairle agus lucht bainistíochta CNCM.

FREAGRACHTAÍ NA COMHAIRLE

Leagtar amach obair agus freagrachtaí na Comhairle san Acht Oideachais, 1998 (Alt VII), agus sa sceideal a ghabhann leis. Is iad seo a leanas na cúrsaí a ndéanann an Chomhairle amháin cinntí ar a son:

- faomhadh gach sonraíochta curaclaim agus measúnachta agus creata curaclaim.
- faomhadh cáipéisí comhairliúcháin.
- faomhadh treoracha agus straitéisí beartais.
- faomhadh pleananna straitéiseacha agus pleananna oibre bliantúla.
- faomhadh tuarascálacha bliantúla.
- faomhadh cuntas bainistíochta ráithiúil agus ráiteas airgeadais bliantúil.
- faomhadh aon athrú suntasach i mbeartais nó i nósanna imeachta cuntasáíochta.
- faomhadh an Ráitis Bhliantúil ar Rialú Inmheánach.
- faomhadh an Ráitis Rialachas bhliantúil agus Thuarascáil na gComhaltaí Boird.
- faomhadh na gconarthaí a bhronntar a mbaineann luach €50,000 nó níos mó leo.
- faomhadh beartas bainistíochta riosca.
- faomhadh na dtéarmaí tagartha agus ceapachán ar aon fhochoiste de chuid na Comhairle m.sh. an Coiste Iniúcháireachta agus Riosca.

- faomhadh chun Boird agus Meithleacha Forbartha a bhunú.
- faomhadh cheapachán na gCathaoirleach Bord lena n-áirítear Boird don Luathóige agus don Bhunscoil, agus don tSraith Shóisearach agus don tSraith Shinsearach.
- faomhadh comhthofa comhaltaí ar Bhoird.
- faomhadh chun téarma Boird, Meithle Forbartha nó fochoiste a shíneadh, i gcás ina dtagann fadhbanna chun cinn a dteastaíonn cruinniú uathu le linn na tréimhse aistrithe le haghaidh cheapadh na Comhairle nua.
- faomhadh Buanorduithe.

Tá na míreanna seo a leanas i measc na mbuanmhíreanna a ndéanann an Chomhairle breithniú ar a son:

- dearbhú leasanna
- tuairiscí ón bPríomhoifigeach Feidhmiúcháin
- tuairiscí ó fhochoistí na Comhairle.

Cuirtear tuairiscí airgeadais agus bainistíochta le chéile agus déanann an Chomhairle breithniú orthu ar bhonn ráithiúil. Déantar an Plean Oibre agus an t-athbhreithniú ar fheidhmíocht an Phlean Oibre a bhreithniú go bliantúil. Déantar cúrsaí forchoimeáda a bhreithniú nuair a thagann siad chun cinn.

Ceanglaítear ar an gComhairle faoi Alt VII (46) den Acht Oideachais, 1998, na cuntais agus na taifid go léir is cuí agus is gnách ar an ioncam go léir a gheobhaidh sí agus ar an gcaiteachas go léir a thabhóidh sí a chóiméad, i cibé foirm a cheadóidh an tAire, le cead ón Aire Caiteachais Phoiblí agus Athchóirithe. Ceanglaítear ar CNCM na rudaí seo a leanas a dhéanamh nuair atáthar ag ullmhú na ráiteas airgeadais sin:

- beartais cuntasáíochta chuí a roghnú agus iad a chur i bhfeidhm go leanúnach
- breithiúnais agus meastacháin atá réasúnta agus stuama a dhéanamh

- ráitis airgeadais a ullmhú ar bhonn an ghnóthais leantaigh ach sa chás go bhfuil sé míchuí le toimhdiú go leanfaidh sí a bheith i bhfeidhm agus
- a dhearbhu cibé ar cloíodh leis na caighdeáin chuntasaíochta infheidhme, faoi réir aon imeacht ábhartha uathu a bheith nochta agus mínithe sna ráitis airgeadais.

Tá an Chomhairle freagrach as taifid chuntasaíochta chuí a choinneáil ina nochtar a staid airgeadais, le cruinneas réasúnta maith uair ar bith, agus a chuireann ar chumas na Comhairle a áirithiú go gcloíonn na ráitis airgeadais le hAlt VII (46) den Acht Oideachais, 1998. Tá an Chomhairle freagrach as cothabháil agus sláine na faisnéise corparáidí agus airgeadais atá le fáil ar shuíomh gréasáin CNCM. Cinntíonn an Chomhairle go bhforáiltear le haghaidh iniúchadh inmheánach agus go ndéanann an Coiste Iniúcháireachta agus Riosca maoirseacht air. Feidhmíonn an tIniúcháir Inmheánach neamhspleách ar an bhFeidhmeannas san obair iniúchta a dhéanann sé agus tá cearta rochtana aige ar an bPríomhoifigeach Feidhmiúcháin agus ar an gCoiste Iniúcháireachta agus Riosca. Feidhmíonn sé laistigh den bhuiséad a chomhaontaítear leis an gCoiste Iniúcháireachta agus Riosca, buiséad atá mar chuid de bhuiséad CNCM dá réir. Leagann an Coiste Iniúcháireachta agus Riosca an buiséad amach don Iniúchadh Inmheánach, ag cur scála agus acmhainní CNCM san áireamh.

Tá an Chomhairle freagrach as an bplean agus an buiséad bliantúil a fhaomhadh. Tugadh faoi mheasúnú ar fheidhmíocht CNCM faoi threoir an phlean agus an bhuiséid bhliantúil freisin.

Tá an Chomhairle freagrach as a sócmhainní a chosaint freisin, agus dá bhrí sin, as céimeanna réasúnta a thógáil chun calaois agus neamhrialtachtaí eile a chosc agus a aimsiú.

Rinne an Chomhairle na ráitis airgeadais le haghaidh 2020 a bhreithniú agus tugtar le fios gur ullmhaíodh iad i gcomhréir leis na beartais airgeadais riachtanacha a leagtar amach thuas. Tugtar deimhniú ar bhainistíocht airgeadais agus rialú inmheánach cuí laistigh de CNCM sna ráitis sin. Measann an Chomhairle go bhfuil léargas cothrom agus fíor ar fheidhmíocht airgeadais agus staid airgeadais CNCM, amhail an 31 Nollaig 2020, i ndráchtráitis airgeadais neamhiniúchta CNCM.

STRUCHTÚR NA COMHAIRLE

Tá Cathaoirleach amháin, beirt Leas-Cathaoirleach agus 22 gnáthchomhalta ar an gComhairle, agus ceapann an tAire Oideachais na daoine sin uile ar bhonn ainmniúcháin a fhaightear ó cheardchumainn múinteoirí, boird bainistíochta, eagraíochtaí tuismitheoirí agus tionscail agus eagraíochtaí eile.

D'fhógair an tAire Oideachais agus Scileanna, Joe McHugh T.D., ar an 10 Aibreán 2019, gur ceapadh Comhairle nua ar feadh téarma trí bliana go dtí an 28 Feabhra 2022. Tháinig téarma na Comhairle roimhe sin chun críche ar an 31 Nollaig 2018. Buailéann an Chomhairle le chéile seacht n-uaire in aghaidh na bliana de ghnáth. Tionóladh sé chruinniú ar an iomlán in 2020. Cuireadh cruinniú a bhí leagtha amach le haghaidh an 19 Márta 2020 ar ceal gan mórán fógra a thabhairt i ngeall ar shrianta phaindéim COVID-19 a bhí ag teacht chun cinn. Tionóladh cúig chruinniú fhíorúla de chuid na Comhairle ar líne ina dhiaidh sin.

Leagtar amach an tréimhse ceapacháin do na comhaltaí reatha sa tábla thíos:

Comhaltaí na Comhairle 2020

Ainm	An Eagraíocht Ainmnithe (<i>nuair is infheidhme</i>)	An Dáta ar Ceapadh i dtosach é nó í	An Dáta (na dátaí) ar Athcheapadh é nó í
An tOll. Mary O'Sullivan, Cathaoirleach	An tAire Oideachais agus Scileanna	1 Bealtaine 2019	
An Dr Deirbhile Nic Craith, Leaschathaoirleach	Cumann Múinteoirí Éireann	13 Meitheamh 2010	25 Meitheamh 2015 1 Márta 2019 (mar Leas- Chathaoirleach)

An Dr Michael Redmond, Leaschathaoirleach	Comhchoiste na mBainisteoirí	1 Aibreán 2015	1 Márta 2019
Áine O Sullivan	Cumann na Scoileanna Pobail is Cuimsitheacha	25 Meitheamh 2015	1 Márta 2019
An tUasal Ed Byrne	Cumann na Meánmhúinteoirí, Éire	18 Aibreán 2019	
Máire Ní Chiarba	Cumann na Meánmhúinteoirí, Éire	25 Meitheamh 2015	1 Márta 2019
Fergal Kelly	Cumann Bainistíochta na mBunscoileanna Caitliceacha	1 Márta 2019	
An tUasal Joyce Perdue	Bord Oideachais Eaglais na hÉireann	1 Márta 2019	
An tUasal Orlaith O'Connor	An Roinn Oideachais agus Scileanna	9 Meán Fómhair 2019	
Anne McHugh	Boird Oideachais agus Oiliúna, Éire	1 Márta 2019	
Edel Ní Chorráin	Foras na Gaeilge	1 Márta 2019	
An tUasal Claire McGee	Ibec	1 Márta 2019	
An tUasal Brian Tubbert	Comhdháil na gCeardchumann	1 Márta 2019	

An tUasal Michael Delargey	Cónaidhm Éireannach na Múinteoirí Ollscoile	1 Aibreán 2010	25 Meitheamh 2015 1 Márta 2019
An tUasal Carmel Browne	Cumann Múinteoirí Éireann	1 Márta 2019	
An tUasal Joe McKeown	Cumann Múinteoirí Éireann	1 Márta 2019	
An tUasal Patricia Gordon	Comhchoiste na mBainisteoirí	1 Márta 2019	
An Dr Finn Ó Murchú	Cumann Náisiúnta na mBord Bainistíochta san Oideachas Speisialta	1 Márta 2019	
Áine Lynch	Comhairle na dTuismitheoirí, Bunscolaíocht	25 Meitheamh 2015	1 Márta 2019
An tUasal Geoff Browne	An Chomhairle Náisiúnta Tuismitheoirí (Iarbhunoideachais)	1 Márta 2019	
An Dr Teresa Hagan	Ainmní an Aire Oideachais agus Scileanna	1 Márta 2019	
An tUasal Phil Lynch	Ainmní an Aire Leanaí agus Gnóthaí Óige	1 Márta 2019	
An Dr Tim Desmond	Coimisiún na Scrúduithe Stáit	6 Samhain 2017	1 Márta, 2019 D'éirigh as ar an 31 Deireadh Fómhair 2020

An tUasal David Duffy	Aontas Múinteoirí Éireann	25 Meitheamh 2015	1 Márta 2019
An tUasal Liz Farrell	Aontas Múinteoirí Éireann	1 Márta 2019	

COTHROMAÍOCHT INSCNE I MBALLRAÍOCHT NA COMHAIRLE

Ar an 31 Nollaig, bhí 15 (62.5%) chomhalta ban agus 9 (37.5%) comhaltaí fear ag an gComhairle, agus bhí folúntas amháin ann.

Níor bhain an Bord amach dá bhrí sin, amhail an 31 Nollaig, sprioc an Rialtais maidir le hionadaíocht 40% ar a laghad a bheith ag gach inscne sa bhallraíocht ar Bhoird Stáit.

Mar sin féin, táthar ag súil ach an folúntas a líonadh go dtabharfar an chothromaíocht inscne ar ais toisc go ndéanfaidh an Roinn Oideachais aon cheapachán mar sin le haird chúí ar an gcothromaíocht sin.

AN COISTE INIÚCHÓIREACHTA AGUS RIOSCA

Tá ceathrar comhaltaí de chuid na Comhairle agus comhalta neamhspleách amháin ag a bhfuil saineolas airgeadais agus iniúchta ar an gCoiste Iniúchóireachta agus Riosca. Is é ról an Choiste tacaíocht a thabhairt don Chomhairle faoina freagrachtaí maidir le ceisteanna riosca, rialaithe, rialachais agus an dearbhú a bhaineann leo. Tá an Coiste Iniúchóireachta agus Riosca neamhspleách ar bhainistíocht airgeadais na heagraíochta. Cinntíonn an Coiste go ndéantar monatóireacht ghníomhach agus neamhspleách ar na córais rialaithe inmheánaigh, lena n-áirítear gníomhaíochtaí iniúchta. Tuairiscíonn an Coiste don Chomhairle i ndiaidh gach cruinnithe, agus go foirmiúil i scríbhinn ar bhonn bliantúil.

Reáchtáladh sé chruinniú de chuid an Choiste Iniúchóireachta agus Riosca in 2020. Is cruinnithe fíorúla a bhí i dtrí cinn acusin, a tionóladh ar líne i ngeall ar shrianta COVID-19.

Ceapadh an Coiste Iniúchóireachta agus Riosca reatha ar an 20 Meitheamh 2019 ar dtús báire agus Etain Doyle, Cathaoirleach, Geoff Browne, Teresa Hagan, Anne McHugh agus Joe

McKeown, ina gcomhaltaí air. Bhí Joe McKeown ina Chathaoirleach ó mhí Aibreáin 2020. Tháinig Joan O'Connor isteach mar chomhalta neamhspleách ó mhí Aibreáin 2020, in ionad Etain Doyle.

AN COISTE RIALACHAIS

Tá ceathrar comhaltaí de chuid na Comhairle agus comhalta seachtrach amháin ar an gCoiste Rialachais. Is é ról an Choiste tacaíocht a thabhairt don Chomhairle maidir le ceanglais dhlíthiúla agus reachtúla a chomhlíonadh, mar aon le dea-chleachtas a ghlacadh i leith an rialachais.

Ceapadh an Coiste Rialachais reatha ar an 20 Meitheamh 2019 ar dtús báire ar a bhfuil Deirbhile Nic Craith (Cathaoirleach), Michael Delargey, Áine Lynch agus Áine O'Sullivan. D'fhaomh an Chomhairle Dermot O'Riordan mar chomhalta seachtrach den Choiste Rialachais ar an 24 Meán Fómhair 2020.

Reáchtáladh trí chruinniú den Choiste Rialachais in 2020. Is cruinnithe fíorúla a bhí in dá cheann acu sin, a tionóladh ar líne i ngeall ar shrianta COVID-19.

SCEIDEAL TINRIMH, TÁILLÍ AGUS COSTAS

Leagtar amach thíos sceideal de thinreamh ag cruinnithe de chuid na Comhairle agus na gCoistí in 2020 agus áirítear leis na costais a fuair gach comhalta. Ní fhaigheann comhaltaí na Comhairle agus na gCoistí táillí as a bheith rannpháirteach sa Chomhairle:

Ainm	Líon Cruinnithe de chuid na Comhairle	Líon Cruinnithe de chuid an Choiste Iníúcháireachta agus Riosca	Líon Cruinnithe de chuid an Choiste Rialachais	Costais (ní íoctar aon táillí le comhaltaí na Comhairle) ¹
An tOll. Mary O'Sullivan	6			€796.40
An Dr Deirbhile Nic Craith	6		3	
An Dr Michael Redmond	6			
Áine O Sullivan	5		3	
An tUasal Ed Byrne	5			€22.20
Máire Ní Chiarba Uas.	6			€804.96
An tUasal Fergal Kelly	5			
An tUasal Joyce Perdue	5			

¹ Baineann na costais uile a shonraítear le taisteal intíre agus ní bhaineann siad le tinreamh ag cruinnithe de chuid na Comhairle amháin. Bíonn comhaltaí na Comhairle rannpháirteach i struchtúir eile de chuid na Comhairle amháin na Boird uileghabhálacha don Luathóige agus don Bhunscoil, agus don tSraith Shóisearach agus don tSraith Shinsearach. D'fhéadfaidís páirt a ghlacadh i mBoird Agallaimh CNCM le haghaidh baill foirne nua freisin. Tagraítear d'iomlán na rannpháirtíochta sin sna costais seo.

An tUasal Orlaith O'Connor	5			
An tUasal Anne McHugh	6	5		
Edel Ní Chorráin	5			
An tUasal Claire McGee	6			
An tUasal Brian Tubbert	6			
An tUasal Michael Delargey	3		3	
An tUasal Carmel Browne	6			€234.43
An tUasal Joe McKeown	6	5		
An tUasal Patricia Gordon	5			
An Dr Finn Ó Murchú	6			€373.46
Áine Lynch	4		2	
An tUasal Geoff Browne	5	3		€698.54
An Dr Teresa Hagan	6	5		
An tUasal Phil Lynch	3			€167.29
An Dr Tim Desmond	1			
An tUasal David Duffy	6			
An tUasal Liz Farrell	5			

An tUasal Etain Doyle (An Coiste Iniúcháireachta agus Riosca)		3		
An tUasal Joan O'Connor (An Coiste Iniúcháireachta agus Riosca)		5		
An tUasal Dermot O'Riordan (An Coiste Rialachais)			1	
Iomlán				€3,097.48

PRÍOMHATHRUITHE PEARSANRA

I measc na n-athruithe a rinneadh ar an bhFeidhmeannas ceapadh Áine Armstrong Farrell sa phost Ceann na Seirbhísí Corparáideacha (Príomhoifigeach Cúnta) ar an 12 Deireadh Fómhair 2020, i ndiaidh do Paul Brady, Ceann na Seirbhísí Corparáideacha (Príomhoifigeach Cúnta), dul ar scor, ar an 9 Deireadh Fómhair 2020. Ceapadh Arlene Forster sa phost mar Phríomhoifigeach Feidhmiúcháin ar an 30 Samhain 2020 i ndiaidh do John Hammond, Príomhoifigeach Feidhmiúcháin, dul ar scor ón 27 Samhain 2020. Áiríodh an triúr Oifigeach Oideachais breise a cuireadh leis an bhfoireann sna hathruithe eile a tháinig ar an bhfoireann ar iasacht/ar conradh.

Nochtadh a Éilítear de réir an Chóid Cleachtais chun Comhlachtaí Stáit a Rialú (2016)

Tá an Chomhairle freagrach as a áirithiú gur chomhlíon CNCM ceanglais an Chóid Cleachtais chun Comhlachtaí Stáit a Rialú ("an Cód"), a d'fhoilsigh an Roinn Caiteachais Phoiblí agus Athchóirithe i mí Lúnasa 2016. Éilítear an nochtadh seo a leanas de réir an Chóid.

Miondealú ar na Sochair Ghearrthearma a fhaigheann Fostaithe

Leagtar amach thíos na socair gearrthearma a fhaigheann fostaithe atá níos mó ná €60,000; i gcás CNCM, tagraíonn an méid sin d'fhigiúirí tuarastail amháin.

Ó	Go	2020	2019
€60,000	€69,999	8	5
€70,000	€79,999	3	10
€80,000	€89,999	19	8
€90,000	€99,999	3	5
€100,000	€109,999	1	2
€110,000	€119,999	0	0
€120,000	€129,999	0	0
€130,000	€139,999	0	0
€140,000	€149,000	1	1

An Ráiteas Comhlíontachta i leith an Chóid Cleachtais chun Comhlachtaí Stáit a Rialú

Tá beartais agus nósanna imeachta i bhfeidhm ag an gComhairle sna príomhréimsí chun an Cód Cleachtais chun Comhlachtaí Stáit a Rialú a chomhlíonadh. Leanfar ar aghaidh ag obair ar ghnéithe áirithe den Chód Cleachtais san fhorbairt, athbheithniú agus athchóiriú a dhéanfar ar bheartais sa tréimhse amach romhainn. Cuireadh obair i gcrích in 2020 ar bheartais

nuashonraithe i dtaca le Cosaint Sonraí agus Nochtadh Cosanta. Forbraíodh Téarmaí Tagartha le haghaidh Rúnaí na Comhairle agus d'fhaomh an Chomhairle iad.

Tá Comhaontú Maoirseachta agus Seachadta Feidhmíochta i bhfeidhm idir an Roinn Oideachais agus Scileanna agus CNCM, agus clúdaítear cúrsaí rialachais, feidhmíochta, maoinithe agus caidrimh tuairiscithe ann. Maidir le forálacha an Chóid nár cheart d'aon chomhalta Boird Stáit breis agus dhá théarma iomlána ceapacháin a fhónamh ar an mBord sin, nó nár cheart dó/di ceapacháin a bheith aige/aici ar bhreis agus dhá Bhord Stáit, ag an am céanna, tá cleachtas seanbhunaithe ann nach mbaineann na forálacha seo le CNCM nuair a ainmníonn eagraíochtaí ball foirne ag a bhfuil freagrachtaí díreacha i réimsí forbartha curaclaim agus beartais churaclaim ina eagraíocht féin, agus, dá bharr sin, daoine a rachadh a saineolas chun tairbhe gach duine ábhartha sa chomhthéacs sin.

Rinne an Chomhairle féinmheasúnú ar a héifeachtacht, lena n-áirítear suirbhé a d'éascaigh eagraíocht neamhspleách ag tús 2021.

COSTAIS AGUS SOCRAÍOCHTAÍ DLÍTHIÚLA

Ní raibh aon chostais ná socraíochtaí dlíthiúla ag CNCM in 2020 de réir na dtéarmaí a leagtar amach sa Chód Cleachtais chun Comhlachtaí Stáit a Rialú. Tabhaíodh táillí dlí €13,268.15 (2019: €2,750.86) a bhain le comhairle ghinearálta faoi léas réadmhaoine, athbhreithniú beartais agus maidir le soláthar.

COSTAIS CHOMHAIRLIÚCHÁIN

Áirítear costais a bhaineann le comhairle sheachtrach a chur ar fáil don lucht bainistíochta i gcostais chomhairliúcháin agus ní áirítear na feidhmeanna 'gnó mar is gnách' a cuireadh amach ar conradh in 2020, agus tabhaíodh iad le haghaidh comhairle ghinearálta.

TÁILLÍ GAIRMIÚLA AGUS COMHAIRLIÚCHÁIN

	2020	2019
	€	€
Táillí cuntasáíochta agus táillí gairmiúla eile	59,278	56,779
Táille iniúchta	14,000	14,000
Comhairliúchán (taighde a coimisiúnaíodh le haghaidh obair churaclaim agus mheasúnachta)	663,851	807,873
Iomlán	737,129	878,652

CAITEACHAS FÁILTEACHAIS

Áirítear an caiteachas fáilteachais seo a leanas sa Chuntas Ioncaim agus Caiteachais. Déantar costais fáilteachais a rangú mar chostais Inmheánacha (imeachtaí foirne, scoir, srl.) agus mar chostais Sheachtracha (cainteoirí comhdhála a thagann ar cuairt, cruinnithe le gníomhaireachtaí idirnáisiúnta comhionanna, srl.).

	2020	2019
	€	€
Inmheánach	4865	1657
Seachtrach	8152	3511
Iomlán	13017	5168

Cosaint Leanaí

D'fhorbair CNCM nósanna imeachta agus treoirínte don fhoireann maidir le cosaint leanaí agus gnóthaí leasa mar chuid de na ceanglais a achtaíodh in 2017 faoin Acht um Thús Áite do

Leanaí, 2015. Rinneadh athbhreithniú agus nuashonrú in 2020 ar an Ráiteas um Chosaint Leanaí de chuid CNCM, atá ar fáil ar ár suíomh gréasáin ar www.ncca.ie. Cuireadh oiliúint ar an bhfoireann.

Foireann

Tá foireann fheidhmeannach lánaimseartha ag CNCM a bhí faoi cheannas an Phríomhoifigigh Feidhmiúcháin, John Hammond go ndeachaigh sé ar scor ar an 27 Samhain 2020 agus faoi cheannas an Phríomhoifigigh Feidhmiúcháin nuacheaptha, Arlene Forster, ón 30 Samhain 2020. Ba é seo a leanas an fhoireann in 2020:

Príomhoifigeach Feidhmiúcháin:

John Hammond (go dtí an 27 Samhain 2020)

Arlene Forster (ón 30 Samhain 2020)

Na Leas-Phríomhoifigigh Feidhmiúcháin:

Arlene Forster (go dtí an 27 Samhain 2020)

Barry Slattery

Stiúrthóirí, Curaclam agus Measúnacht:

Jacqueline Fallon

Derek Grant

Ben Murray

Elaine Ní Neachtain

Evelyn O'Connor (Gníomhach)

Aoife Rush

Patrick Sullivan

Seirbhísí Corparáideacha:

Paul Brady, Leas-Phríomhoifigeach (go dtí an 9 Deireadh Fómhair)

Áine Armstrong-Farrell, Príomhoifigeach Cúnta (ón 12 Deireadh Fómhair)

Áine Armstrong-Farrell, Ard-Oifigeach Feidhmiúcháin (go dtí an 9 Deireadh Fómhair)

Maura Dee, Ard-Oifigeach Feidhmiúcháin

Ann Young, Ard-Oifigeach Feidhmiúcháin

Morgan Lockhart, Oifigeach Feidhmiúcháin

Deirdre Dunne, Oifigeach Feidhmiúcháin

Alan Cooling, Oifigeach Cléireachais

Rosaleen Daly, Oifigeach Cléireachais

Bernie Gallagher, Oifigeach Cléireachais

Ger Heffernan, Oifigeach Cléireachais

Oifigh Oideachais:

John Behan

Paul Behan

Ciara Blennerhassett (ón 6 Eanáir)

Fred Boss

Lorraine Crean (go dtí an 31 Lúnasa)

Tracy Curran

Lara Dabbagh

Mary Daly

Margaret Flood

Derek Grant

Annette Honan

David King

Paul Knox

Rachel Linney

Hannagh McGinley (ón 1 Meán Fómhair)

Diarmuid Mooney

John Moriarty

Susan Ní Réamoinn

Dónal Ó Buachalla

Colm Ó Cadhain (go dtí an 1 Samhain)

Gillian O'Connor (ón 1 Meán Fómhair)

Louise O'Reilly

Ger O'Sullivan

Jacinta Regan

Claire Reidy (go dtí an 3 Eanáir)

Tony Riley

Sinéad Ruane

Sinéad Tuohy

Mary-Elaine Tynan

Oifigeach Náisiúnta Forbartha Aistear:

Lorraine Farrell

Boird agus Grúpaí Forbartha

Déanann an Chomhairle dul chun cinn ar a cuid oibre trí raon Bord agus Meithleacha Forbartha a bhunaítear i gcomhar leis na heagraíochtaí a ndéanann an Chomhairle ionadaíocht ar a son agus le gníomhaireachtaí eile mar is cúí. Thionóil an Chomhairle 57 cruinniú de na grúpaí sin in 2020 agus bhí 41 cruinniú ar siúl ar líne i ngeall ar threoirlínte sláinte poiblí de bharr na paindéime. Tá liosta de na cruinnithe a reáchtáladh in 2020 le fáil in Aguisín a hAon.

Airgeadas

Ba é €5,940,104 ioncam iomlán na Comhairle in 2020. Fuarthas príomh-mhaoiniú dar luach €5,696,253 ón státchiste, tríd an Roinn Oideachais.

Clúdaíonn an maoiniú a leithdháiltear do CNCM na míreanna seo a leanas:

- Tuarastail na foirne
- Costais a bhaineann le fhoireann saineolaithe a choimisiúnú chun tacú le hobair na Comhairle
- Forbairt ghairmiúil
- Foilseacháin agus na meáin dhigiteacha, lena n-áirítear profáil, dearadh, grianghrafadóireacht, priontáil agus aistriúchán
- Taighde
- Costais a bhaineann le cruinnithe na Comhairle, a Bord agus a Meithleacha Forbartha, lena n-áirítear áiseanna comhdhála a fháil ar cíos agus costais taistil agus chothabhála
- Costais riaracháin amhail cothabháil agus trealamh oifige, stáiseanóireacht, postas, teileafón, cíos, soilsiú agus teas
- Costais a bhaineann le comhdhálacha agus imeachtaí CNCM
- Cothabháil agus forbairt TF
- Idirghníomhaíocht idirnáisiúnta lena n-áirítear táillí ballraíochta le haghaidh eagraíochtaí idirnáisiúnta amhail CIDREE (Cuibhreannas d'Institiúidí um Fhorbairt agus Taighde Oideachais san Eoraip) agus *Association for Educational Assessment, Europe* (IAEA).
- Fógraíocht.

Foilseofar na ráitis airgeadais don bhliain dar críoch an 31 Nollaig 2020 nuair a chuirfidh an tArd-Reachtair Cuntas agus Ciste an t-iniúchadh bliantúil i gcrích.

Aguisín 1: Cruinnithe CNCM in 2020

Grúpa	Líon Iomlán na gCruinnithe <i>(Líon na gcruinnithe fóirúla i lúibín)</i>
Leibhéal na Luath-Óige agus Leibhéal na Bunscoile	
Bord don Luath-Óige agus don Bhunscoil	5 (4)
Teanga na Bunscoile: Rang a Trí go dtí Rang a Sé	1 (1)
Meitheal Forbartha le haghaidh Mhatamaitic na Bunscoile	2 (2)
Painéal Comhairleach (Bunscoil)	8 (8)
Meitheal Forbartha OSPS/OCG, Bunscoil	3 (3)
Iar-bhunscoil	
An Bord don tSraith Shóisearach	3 (2)
An Bord don tSraith Shinsearach	6 (4)
Meitheal Forbartha na Bitheolaíochta	6 (3)
Meitheal Forbartha na Fisice	5 (3)
Meitheal Forbartha na Ceimice	6 (3)

Sainghrúpa Chultúr agus Stair an Luchta Siúil	1 (1)
Meitheal Forbartha Ghaeilge na Sraithe Sinsearaí	3 (1)
Meitheal Forbartha Theangacha Iasachta na hArdteistiméireachta	2 (0)
Meitheal Forbartha Theangacha Clasaiceacha na hArdteistiméireachta	2 (2)
Meitheal Forbartha Araibis na hArdteistiméireachta	1 (1)
Meitheal Forbartha OSPS/OCG, Iar-bhunscoil	3 (3)
Líon iomlán na Meithleacha	16
Líon iomlán na gCruinnithe	57
Ar Cruinnithe Fíorúla a bhí sa líon iomlán	41

Aguisín 2: Cuir i láthair CNCM (rogha) in 2020

Tá rogha de na cuir i láthair agus na páipéir a cuireadh ar fáil, agus na ceardlanna a d'éascaigh foireann CNCM in 2020 le fáil sa tábla thíos. Tharla an obair sin ar líne ó lár an Mhárta go Nollaig mar gheall ar an gCoróinvíreas.

Imeacht/Eagraíocht	Téama/Teideal
Comhdháil Príomhoidí Líonra Phríomhoidí Bunscoile na hÉireann (IPPN)	Athbhreithniú agus Athfhorbairt Churaclam na Bunscoile: <i>Dréachtchreat Curaclaim na Bunscoile</i>
Comhdháil Príomhoidí Chomhchoiste na mBainisteoirí (JMB)	Forbairtí in Oideachas Caidrimh agus Gnéasachta
AgVenture 2020 – comhdháil bhliantúil Chumann Múinteoirí na hÉireann san Eolaíocht Talmhaíochta	Eolaíocht Talmhaíochta na hArdteistiméireachta: Tacaíocht don Phróiseas Iniúchta
Tús Níos Fearr (ionduchtú d'fhoireann nua)	Réamhrá leis an Treoir Chleachtais agus ag tacú le haistrithe
Seimineár ar Cheannaireacht le haghaidh Foghlama	Guth an Scoláire sa teagasc, san fhoghlaim agus sa mheasúnú
Scoláirí 4ú bliain DCU EC	Ag tacú leis an aistriú ón réamhscoil go dtí an bhunscoil
Siompóisiam Taighde Luath-Óige Éireann ar Líne , 2020	Leanúnachas oideolaíochta ó <i>Aistear</i> go dtí <i>Dréachtchreat Curaclaim na Bunscoile</i>
Sraith Seimineár Gréasáin Luath-Óige Éireann	Ag tacú le haistrithe dearfacha ón réamhscoil go dtí an bhunscoil

An Coimisiún Eorpach	Piar-Chomhairleorieacht maidir le hInniúlachtaí Measúnachta
Cruinniú d'ionadaithe tíre. An Eagraíocht um Chomhar agus Fhorbairt Eacnamaíochta (OECD), An Rannán um Beartas agus Cur i bhFeidhm Oideachais	Beartha oideachais a chur i bhfeidhm i rith ghéarchéim COVID-19: dúshlán agus bealaí chun cinn a iniúchadh
Seoladh tuarascála ESRI ar Iompar Gnéasach i measc Daoine Óga	Cur i láthair ar athbhreithniú CNCM ar Oideachas Caidrimh agus Gnéasachta
Cruinniú saineolaithe CIDREE 'Topaicí Ábhartha an Churaclaim chun Scileanna an 21ú hAois a Dhearadh, Tallinn, An Eastóin	Cur i láthair ar Phríomhscileanna i bhforbairt Churaclam na Bunscoile agus na hIarbunscoile in Éirinn

Aguisín 3: Tuarascáil ar nochtadh cosanta

Chuir CNCM nósanna imeachta i bhfeidhm chun nochtadh cosanta a dhéanamh, agus forbraíodh na nósanna imeachta sin i gcomhréir leis an Acht um Nochtadh Cosanta, 2014, agus d'fhaomh an Chomhairle iad. Leagtar amach iontu mioneolas ar an bpróiseas faoinar féidir nochtadh cosanta a dhéanamh agus gach a tharlóidh nuair a dhéantar nochtadh.

Tá tiomantas láidir ag CNCM do chinntiú go spreagann, go n-éascaíonn agus go dtacaíonn an cultúr agus an timpeallacht oibre inti le gach uile fhostaí agus gach duine atá bainteach le hobair CNCM le 'labhairt amach' faoi aon fhadhb a d'fhéadfadh cur isteach ar chumas na Comhairle a ról agus a freagrachtaí a chomhlíonadh ar an ardchaighdeán lena mbítear ag súil leis.

TUARASCÁIL BHLIANTÚIL NA COMHAIRLE NÁISIÚNTA CURACLAIM AGUS MEASÚNACHTA I gCOMHRÉIR LE hALT 22 DEN ACHT UM NOCHTADH COSANTA, 2014

Ceanglaítear ar gach comhlacht poiblí faoi Alt 22 den Acht um Nochtadh Cosanta, 2014, tuarascáil bhliantúil a fhoilsiú ina leagtar amach an líon nochtaí cosanta a fuarthas sa bhliain roimhe sin agus an gníomh a glacadh ina leith (má glacadh aon gníomh). Níor cheart go mbeifear in ann daoine a dhéanann nochtadh a aithint mar thoradh ar an tuarascáil seo.

Tuarascáil CNCM don bhliain 2020

An bhliain lena mbaineann an Nochtadh	Nochtadh nó Nochtadh ar Bith
2020	Nochtadh ar Bith

Aguisín 4: An Ráiteas ar Rialú Inmheánach

Raon na Freagrachta

Aithním, thar ceann na Comhairle Curaclaim agus Measúnachta (CNCM), freagracht na Comhairle le háirithiú go ndéantar córas éifeachtach rialaithe inmheánaigh a chothabháil agus a fheidhmiú. Cuireann an Chomhairle na ceanglais atá uirthi faoin gCód Cleachtais chun Comhlachtaí Stáit a Rialú (2016) san áireamh sa fhreagracht sin.

Cuspóir an Chórais Rialaithe Inmheánaigh

Dearadh, leabaíodh agus forfheidhmíodh an córas rialaithe inmheánaigh le cuidiú le hobair agus rialachas corparáideach na heagraíochta a bhainistiú go caighdeán cuí. Dearadh é le rioscaí a bhainistiú go leibhéal atá cuibheasach ach ní féidir leis deireadh iomlán a chur le rioscaí. I mbeagán focal, ní féidir leis an gcóras ach deimhniú réasúnta, agus ní absalóideach, a sholáthar go bhfuil sócmhainní cosanta, idirbheartaí údaraithe agus taifead cuí orthu, agus go ndéantar aon earráid ábhartha nó neamhrialtachtaí a chosc nó a aimsiú go tráthúil agus a leasú/a bhainistiú ansin.

CNCM agus an Córas Rialaithe Inmheánaigh

Tugann an Chomhairle faoina hobair ag leagan spriocanna agus gníomhaíochtaí straitéiseacha amach agus ag déanamh cinní straitéiseacha i ngach réimse dá cuid oibre. Tá an Príomhoifigeach Feidhmiúcháin agus an fhoireann ardbhainistíochta freagrach as bainistíocht, rialú agus treoir laethúil CNCM. Cloíonn an Príomhoifigeach Feidhmiúcháin agus an fhoireann ardbhainistíochta leis an treoir straitéiseach leathan a shonraíonn an Chomhairle agus áirithíonn siad go bhfuil tuiscint shoiléir ag gach duine de chomhaltaí na Comhairle ar na príomhghníomhaíochtaí agus na cinní a bhaineann leis an gComhairle agus ar aon riosca suntasach a d'fhéadfadh teacht chun cinn. Gníomhaíonn an Príomhoifigeach Feidhmiúcháin mar idirghabhálaí díreach idir an Chomhairle agus lucht bainistíochta CNCM. Oibríonn an fhoireann bainistíochta ansin le foireann Stiúrthóirí (Curaclam agus Measúnú) agus le foirne eanála ar a bhfuil Oifigigh Oideachais agus an Fhoireann Seirbhísí Corparáideacha chun an

Plean Straitéiseach agus Plean Oibre Bliantúil na Comhairle a chur i bhfeidhm, agus iad ag obair laistigh de na rialuithe a leagtar amach chun obair na heagraíochta a bhainistiú agus cáilíocht obair na Comhairle a chinntiú.

Cuireann CNCM comhairle ar fáil don Aire Oideachais maidir le cúrsaí a bhaineann leis an gcuraclam don oideachas luath-óige, do bhunscoileanna agus d'iar-bhunscoileanna, agus na nósanna imeachta measúnachta a úsáidtear i scoileanna agus scrúduithe in ábhair atá mar chuid den churaclam. Forbraítear an chomhairle sin trí Thaighde, Comhairliúchán, Machnamh agus Líonrú. Tá córais rialaithe cáilíochta i bhfeidhm chun an chomhairle sin a fhorbairt:

- neartaíonn fianaise thaighde, cleachtadh maith agus taithe idirnáisiúnta an chomhairle sin
- bíonn an chomhairle sin bunaithe ar na cainteanna agus ar an bplé a bhíonn ag an gComhairle lena Boird agus Meithleacha Forbartha
- bíonn tionchar ag an aiseolas a fhaightear ó chomhairliúcháin leis an bpobal, scoileanna, suíomhanna luathóige, leasanna oideachasúla agus dreamanna eile ar an gcomhairle
- tugann líonraí scoileanna agus suíomhanna luathóige aiseolas ar na smaointe agus cuir chuige éagsúla atá á bhforbairt agus cuireann siad samplaí praiticiúla ar an bhfoghlaim agus an teagasc agus ar obair an scoláire ar fáil.

Cuidíonn siad sin uile le háirithiú go bhfuil rialuithe éifeachtacha i bhfeidhm maidir le cáilíocht na comhairle curaclaim agus measúnachta atá i gcroílár obair na Comhairle.

Tá beartais agus nósanna imeachta i bhfeidhm ag CNCM a scaiptear ar an bhfoireann. Áirítear leo sin beartais ar airgeadas, Acmhainní Daonna, soláthar agus bainistiú riosca. Tá córas Bainistíochta agus Forbartha Feidhmíochta, atá ceangailte le socruithe bainistíochta líne, i bhfeidhm don fhoireann agus tá foráil le hagaidh forbairt ghairmiúil leanúnach mar chuid de.

Tá CNCM á maoiniú go príomha ag an Roinn Oideachais. Tá an Chomhairle freagrach as an bPlean Oibre bliantúil agus an buiséad bliantúil a fhaomhadh, agus leithdháiltear agus caitear cistí de réir thosaíochtaí na Comhairle. Ullmhaíonn an gnólacht cuntasáíochta Harney Nolan ráitis airgeadais bhliantúla na Comhairle agus iad faoi réir iniúchadh seachtrach a dhéanann an

tArd-Reachtair Cuntas agus Ciste. Tugann an Chomhairle faoi athbhreithniú éifeachtachta ar bhonn rialta.

Tá sé mar aidhm ag an gComhairle luach ar airgead a fháil dá ceannacháin agus macántacht a chinntiú ina pleanáil agus a nósanna imeachta soláthair, nósanna imeachta a fheidhmíonn i gcomhréir le beartas soláthair an rialtais.

Bhí an córas rialaithe inmheánaigh, a thagann le treoir a d'eisigh an Roinn Caiteachais Phoiblí agus Athchóirithe, i bhfeidhm ag CNCM don bhliain dar críoch an 31 Nollaig 2020 agus go dtí an dáta ar faomhadh na ráitis airgeadais.

Rialú Inmheánach agus Riosca

Tá Coiste Iniúcháireachta agus Riosca ag CNCM ar a bhfuil ceathrar comhaltaí de chuid na Comhairle agus comhalta neamhspleách amháin, ag a bhfuil saineolas airgeadais agus iniúchta, arb é an Cathaoirleach é. Tá an Coiste Iniúcháireachta agus Riosca neamhspleách ar bhainistíocht na heagraíochta. Go háirithe, féachann an Coiste lena chinntiú go ndéantar monatóireacht ghníomhach agus neamhspleách ar na córais rialaithe inmheánaigh, lena n-áirítear gníomhaíochtaí iniúchta. Bhuail an Coiste Iniúcháireachta agus Riosca le chéile sé huaire in 2020.

Bhunaigh CNCM feidhm iniúchta inmheánaigh freisin a thugann faoi chlár oibre a chomhaontaítear leis an gCoiste Iniúcháireachta agus Riosca. Cuirtear an obair a bhaineann leis an iniúchadh inmheánach amach ar conradh agus ba é Crowleys DFK a rinne athbhreithniú ar na rialuithe inmheánacha agus a thuairiscigh don Choiste Iniúcháireachta agus Riosca in 2020.

Tarraingíodh aird ar neart gnéithe dearfacha de thimpeallacht rialaithe inmheánaigh CNCM sa tuarascáil Review of the System of Internal Control, 2020, a réitigh Crowleys DFK. Níor tuairiscíodh aon torthaí ardríosca, a bhféadfadh go mbeadh caillteanas airgeadais ábhartha nó cur isteach feidhmeach ar CNCM mar thoradh orthu, san athbhreithniú. Fuarthas amach mar chuid den tuarascáil go bhfeidhmíonn an chuid is mó de na rialuithe a ndearnadh tástáil orthu ar bhealach éifeachtach agus gur féidir deimhniú réasúnta a chur ar leordhóthanacht agus ar fheidhmiú na rialuithe inmheánacha chun príomhríoscaí a mhaolú agus/nó a bhainistiú. Moladh

roinnt gnéithe rialaithe nach mór aird a thabhairt orthu in 2021 sa tuarascáil, lena n-áirítear nósanna imeachta níos fearr chun monatóireacht a dhéanamh ar shócmhainní seasta, nósanna imeachta feabhsaithe chun monatóireacht a dhéanamh ar thráthúlacht íocaíochtaí taistil agus cothabhála agus nósanna imeachta níos fearr maidir le doiciméid agus próisis a bhaineann le soláthar.

Táthar ag dul i ngleic le moltaí na tuarascála sa chomhthéacs sin faoi láthair agus réiteofar na hábhair a tháinig chun cinn inti in 2021, a luaithe is a cheadófar sin leis na treoirlínte sláinte poiblí.

Tugadh ar aird gur cuireadh moill ar roinnt gníomhaíochtaí in 2019 amhail fardal sócmhainní seasta i ngeall ar COVID-19 agus gur dúnadh oifigí dá bharr sin agus go dtosófaí orthu arís ar bhonn tosaíochta de réir mar a cheadódh treoirlínte sláinte poiblí.

Ina theannta sin, san athbhreithniú a rinne Crowley DFK chuir siad rompu go sonrach breithniú a dhéanamh ar chomhlíonadh le rialuithe inmheánacha bunaithe le béim shonrach ar mhíonna a raibh srianta COVID-19 i bhfeidhm. Dúirt siad ina gconclúid

“san athbhreithniú ar éifeachtacht na rialuithe inmheánacha airgeadais i rith na bliana 2020 breithníodh tuilleadh an tionchar a bhí ag paindéim COVID-19 ar thimpeallacht rialaithe CNCM. I gcomhthéacs ár n-athbhreithnithe [raon mar atá mionsonraithe i gcuid a dó dár dtuarascáil], tugann torthaí ár dtástálacha le fios i bhformhór cásanna, gur leanadh de rialuithe a chur i bhfeidhm mar a bhí beartaithe i rith srianta gluaiseachta a bhí i bhfeidhm mar gheall ar an bpaindéim.”

Réiteoidh CNCM aon fhadhbanna a aimsíodh san iniúchadh seachtrach freisin agus cinnteofar nach dtarlóidh siad arís.

Déanfaidh lucht bainistíochta CNCM monatóireacht ghéar ar na cúrsaí seo agus déanfaidh an Coiste Iniúcháireachta agus Riosca maoirseacht ar an obair leantach a bhaineann leis na míreanna a tháinig chun cinn ón iniúchadh inmheánach agus seachtrach agus déanfaidh sé athbhreithniú ar a dhul chun cinn.

Cuirtear acmhainní ar fáil don iniúchadh inmheánach, mar is gá, i bhfianaise an méadú atá ag teacht ar ghníomhaíocht agus méid na heagraíochta tríd is tríd.

Tá beartas bainistíochta riosca ag CNCM ina n-áirítear ráiteas inghlacthachta riosca, an creat bainistíochta riosca, agus sonraí ar ról agus freagrachtaí na foirne maidir le riosca. Rinne an Coiste Iniúcháireachta agus Riosca athbhreithniú ar an mbeartas bainistíochta riosca agus d'fhaomh comhairle CNCM é in 2020. Tá clár riosca i bhfeidhm ar a n-aithnítear nádúr na rioscaí do CNCM agus rinneadh iad sin a shainathint, a mheas agus a ghrádú de réir a suntasachta. Déanann an príomhoifigeach riosca, na húinéirí riosca, lucht bainistíochta agus an Coiste Iniúcháireachta agus Riosca an clár riosca a athbhreithniú agus monatóireacht ar an mbainistíocht riosca ag gach ceann dá gcuid cruinnithe. Tá bainistíocht riosca ina hábhar ar chlár oibre gach cruinnithe de chuid na Comhairle freisin. Úsáidtear torthaí an athbhreithnithe chun acmhainní a phleanáil agus a leithdháileadh le háirithiú go ndéantar rioscaí a bhainistiú go leibhéal cuí.

Roinntear na freagrachtaí idir an fhoireann uile sa bheartas agus i mbeartas bainistíochta riosca, lena n-áirítear an Príomhoifigeach Riosca, an Fhoireann Ardbhainistíochta, an Fhoireann Stiúrtha, Foireann na Seirbhísí Corparáideacha agus na hOifigigh Oideachais. Eisíodh an beartas don fhoireann uile agus táthar ag súil go n-oibreodh sí laistigh de bheartais bainistíochta riosca CNCM agus an lucht bainistíochta a chur ar an eolas faoi aon rioscaí nó laigí rialaithe a thagann chun cinn agus chun freagracht a ghlacadh as rioscaí agus rialuithe ina réimse oibre féin.

Sonraítear na rialuithe agus na gníomhaíochtaí a theastaíonn chun rioscaí a mhaolú ar an gclár riosca agus sanntar freagracht as feidhmiú na rialuithe do bhall foirne ar leith ann freisin. Deimhním go bhfuil timpeallacht rialaithe ina bhfuil na gnéithe seo a leanas i bhfeidhm:

- rinneadh gach ceann de na príomhphróisis ghnó a dhoiciméadú
- sannadh freagrachtaí airgeadais ag leibhéal bainistíochta le cuntasacht chomhréire
- tá córas buiséadaithe feidhmeach ann agus buiséad bliantúil aige, a leagtar amach i bPlean Oibre bliantúil CNCM, agus déanann an lucht ardbhainistíochta athbhreithniú leanúnach air agus cuirtear feabhsuithe i bhfeidhm air mar is cuí

- tá córais ann agus á bhforbairt a bhfuil sé mar aidhm acu slándáil na gcóras teicneolaíochta faisnéise agus cumarsáide a chinntiú
- rinneadh na córais atá ann chun sócmhainní a chosaint a nuashonrú agus tá clár nua inchuadaithe sócmhainní agus conarthaí mar chuid de na córais sin agus sannadh na freagrachtaí áirithe
- cinntíonn nósanna imeachta rialaithe maidir le maoiniú deontais do ghníomhaireachtaí seachtracha, trí Chomhaontuithe ar Leibhéal Seirbhíse a úsáid, rialú sásúil ar fhaomhadh deontas agus monatóireacht agus athbhreithniú ar na deontaithe d'fhonn a áirithiú gur úsáideadh an maoiniú deontais don chuspóir dar bronnadh é.

Monatóireacht agus Athbhreithniú Leanúnach

Bunaíodh nósanna imeachta foirmiúla chun monatóireacht a dhéanamh ar phróisis rialaithe agus cuirtear easnaimh rialaithe in iúl go tráthúil do na daoine atá freagrach as gníomh ceartaitheach a ghlacadh, agus don Lucht Bainistíochta agus don Chomhairle, nuair is cuí. Deimhním go bhfuil na córais monatóireachta leanúnacha seo a leanas i bhfeidhm:

- sainaitníodh príomhríosaí agus na rialuithe a ghabhann leo agus cuireadh próisis i bhfeidhm chun monatóireacht a dhéanamh ar fheidhmiú na bpríomhrialuithe sin agus déantar tuairisciú ar aon easnaimh a aimsíodh
- bunaíodh socruithe tuairiscithe ag gach leibhéal i measc na bhfoirne earnála, foirne tionscadal sonrach agus fhoireann na seirbhísí corparáideacha áit a bhfuil freagracht do bhainistíocht airgeadais sannta cheana féin
- tugtar faoi athbhreithnithe rialta ag cruinnithe den fhoireann bainistíochta ar fheidhmíocht thréimhsiúil agus bhliantúil agus ar thuarascálacha airgeadais, ina sonraítear feidhmíocht i gcoinne buiséad/réamh-mheastachán
- rinneadh athbhreithniú breise ar ríosaí, rialuithe, buiséid agus réamh-mheastacháin agus rinneadh coigeartuithe nuair ba chúil i bhfianaise na n-athruithe ar leibhéal ghníomhaíochta i ngeall ar Covid-19 agus,
- déanann an lucht ardbhainistíochta maoirseacht ar chur i bhfeidhm na moltaí a thagann chun cinn ó thuarascáil na n-íniúcháirí inmheánacha agus seachtracha.

Soláthar

Deimhním go bhfuil nósanna imeachta i bhfeidhm ag CNCM chun comhlíonadh rialacha agus treoirlínte reatha maidir le soláthar a áirithiú. Tá Plean Soláthair Chorporáidigh i bhfeidhm don tréimhse 2018–2021 agus forbrófar plean nua don tréimhse 2022-2025.

Athbhreithniú ar Éifeachtacht

Deimhním go bhfuil nósanna imeachta i bhfeidhm ag CNCM chun monatóireacht a dhéanamh ar éifeachtacht a nósanna imeachta maidir le bainistiú agus rialú rioscaí. Tá an obair a dhéanann an t-iniúcháir inmheánach, an t-iniúcháir seachtrach, an Coiste Iniúcháireachta agus Riosca a dhéanann maoirseacht ar a n-obair, agus an fhoireann ardbhainistíochta in CNCM atá freagrach as an gcreat rialaithe airgeadais inmheánaigh a fhorbairt agus a chothabháil, mar bhuntaca leis an monatóireacht agus an t-athbhreithniú a dhéanann CNCM ar éifeachtacht an chórais rialaithe inmheánaigh.

Deimhním go ndearna an Coiste Iniúcháireachta agus Riosca athbhreithniú bliantúil ar éifeachtacht na rialuithe inmheánacha le haghaidh 2020. Thug an Coiste Iniúcháireachta agus Riosca na torthaí ar athbhreithniú inmheánach agus thuiriscigh siad na torthaí ar a athbhreithniú don Chomhairle le machnamh a dhéanamh orthu.

Deimhním go ndearna an Chomhairle athbhreithniú bliantúil ar éifeachtacht na rialuithe inmheánacha le haghaidh 2020 ar an (16 Márta, 2021). Bhí an t-athbhreithniú a rinne an Coiste mar bhonn eolais faoin athbhreithniú sin.

Fadhbanna maidir le Rialú Inmheánach

Níor aimsíodh aon laige sa rialú inmheánach in 2020 a chaithfear a nochtadh sna ráitis airgeadais.

An tOll. Mary O’Sullivan

Cathaoirleach